

**Leeter masa Pawl ma wuzlala
ngeeme a
Kwarinti hay
Mey da ray
Leeter ngeeme ngada
Kwarinti hay**

Pawl a wuzlala leeter ngada ndəhay daa mecəmey-ray nga Yesu daa berney nga Kwarinti na, daa masa anga daa berney nga Efez. (SNM 18.1-21).

Kwarinti na, ara berney mahura daa hwayak nga Gerek hay. Berney aha aa da mey-bəlay mahura. Anda keɗe daa berney a, ndəhay ga ma samawa daa hwayak hay mekele mekele daha, a ragadam ngada kuley hay mekele mekele may. Menjey ata na, maaya ba. Cek hay maaya ba masa ata ma kamara na, fa nəsta ndəhay daa mecəmey-ray nga Yesu. Maja ngene, Pawl a wuzlalatar leeter hay məfad. Da wuzlah leeter hay a na, cew ata daha daa Derewel nga Gazlavay haa wure keɗe, cew hay may taa zədam sem.

Pawl a wuzlala leeter e maja a cənda na, da wuzlah ndəhay daa mecəmey-ray nga Yesu, mey mekele mekele daha: fa təram vaw da wuzlah ata (fasəlawal 1 haa 4), fa kam cek malamba (fasəlawal 5), fa wudam vaw da wuzlah ata (fasəlawal 6), mey da ray meley ngwas (fasəlawal 7), mey da ray menjey da wuzlah

ndəhay ma ta kuley hay, ma zəmamara aslaw nga kuley a (fasəlawal 8 haa 10), mey da ray mezəmey dəf nga sərfedey meməcey nga Yesu (fasəlawal 11), mey da ray gədan nga Mesəfney nga Gazlavay masa Gazlavay ma vəlda a ndaw a, ndaw a, nga key sləra mekele mekele daa mecəmey-ray nga ndəhay nga Yesu (fasəlawal 12 haa 14), leŋ mey da ray ndəhay nga Yesu ma da sləkdamawa daa meməcey (fasəlawal 15).

Daa leeter e keđe na, mey mekele mekele daha nga vəley gədan a ndəhay:

Mewufey-vaw (fasəlawal 13)

Mey da ray gədan masa Mesəfney nga Gazlavay ma vəldatara a ndəhay anga hay nga key sləra anga. (fasəlawal 12 haa 14)

Mecey-har

¹ Ara yah Pawl ma wuzlalakwara leeter keđe, yah ndaw masa *Gazlavay ma wala nga key *ndaw-meslərey nga *Yesu *Kəriste. Ya wuzlalamarana na, ala ta məlma aləkwa Sawsten.

² Ya wuzlalamara leeter keđe ngada akwar, ndəhay daa *mecəmey-ray nga ndəhay nga Yesu masa daa berney nga Kwarinti, akwar masa Gazlavay ma walakwar wal amba ka njam macəmkaya ta Yesu Kəriste. A walakwar bama ta ndəhay tabiya masa fa dərmar dangay a Bay aləkwa Mahura Yesu Kəriste, kwa daa wura daa wura. Anga na, Bay ata Mahura, asaya, anga na, Bay ala Mahura may.

³ Anja Papa aləkwa, Bay Gazlavay, ta Bay aləkwa Mahura Yesu Kəriste nga pəsmakwar mey, asaya, nga njadamakwar daa zazay.

Mey da ray maaya nga Gazlavay da ray ndəhay anga hay daa berney nga Kwarinti

⁴ Ya fa kar suse a Gazlavay adaw mandaw mandaw maja maaya anga ma pawa salay a ray akwar ta fa Yesu *Kəriste. ⁵ Daa masa akwar macəmkaya ta Yesu Kəriste na, Gazlavay ta kakwar maaya la ga amba ka kamar sləra. Anda keđe, ta vəkwar gədan nga wuzey mey anga a ndəhay la, asaya, ta vəkwar lengeşl la nga cənda mey anga hay tabiya. ⁶ Mey da ray Kəriste masa ala ma wuzdamakwara na, aa daa mevel akwar mandaw mandaw. ⁷ Anda keđe, akwar masa fa səkwmarə Bay aləkwa Mahura Yesu Kəriste ma da wuzwa vaw na, Gazlavay ta vəkwar gədan la nga key sləra wura wura tabiya. ⁸ Ara Gazlavay ma da vəkwar gədan anga nga njeş maaya fa mey anga haa pas masa Bay aləkwa Mahura ma da vəhwa nga key sariya amba a hətfakwar manjar mebərey. ⁹ Gazlavay ta zəkwar la amba ka njam macəmkaya ta Bəzey anga, Yesu Kəriste, Bay aləkwa Mahura. Gazlavay na, cek masa aa ma ləvey a ka la na, a ka la fara fara.

Ndəhay nga Yesu da Kwarinti a wudkam dəş

¹⁰ Məlma adaw hay, ya fa kakwar ambahw ta mezəley nga Bay aləkwa Mahura Yesu *Kəriste

amba ka cɛmam ɗay. Ka da wudkam ɗay da wuzlah akwar ba. Njam macɛmkaya ta mevel letek, ta mewulkey letek. ¹¹ Mɛlma adaw hay, yaa guzley anda keɗe na, maja ndɛhay daa sɛkway nga Kelɛwe ta kadamiwa la, a lɛvmaya, akwar fa tɛram vaw ta tɛrey da wuzlah akwar. ¹² Ehe, jɛkam slɛmay fa cek masa yah ma wudɛy ngaa guzlkwar. Akwar ta mewulkey wal wal da wuzlah akwar. Ndɛhay siya a lɛvam a sɛpam na, yah, Pawl. Siya hay a lɛvam a sɛpam na, Apalaws. Siya hay a lɛvam a sɛpam na, *Piyer. Siya hay mekele saya a lɛvam a sɛpam na, Kɛriste. ¹³ Ka wulkam na, Kɛriste anɗa mawunkakaya weewe daw? Yah, Pawl na, ya ta mɛcey la fa hwadam mazlangalakaya maja akwar daw? Akwar ta hɛtam *baptem ta mezɛley adaw la daw?

¹⁴ Ya fa kar suse a Gazlavay maja ya ta key baptem ngada ndaw da wuzlah akwar daa ba, ama si ngada ata Kɛrispus ta Gayus daada gway.

¹⁵ Anda keɗe, kwa ndaw pal fa da lɛvey ta hɛtey baptem la ta mezɛley adaw na, daa ba.

¹⁶ A', fara, ya ta katar baptem la ngada ata Estefanas ta ndɛhay da way anɗa. Ayɛwa, da ya ta key baptem ngada ndɛhay mekele la kwa, ya sɛra ba. ¹⁷ Kɛriste a slɛrdiwa na, nga katar baptem a ndɛhay ba, ama a slɛrdiwa nga wuzey *Mey-maaya-mawiya. Daa masa ya fa wuzda

1:10 1.10-11 3.3; 11.18; 2Kwr 12.20; Ef 4.2-6; Fɛl 2.2; Jan 17.21-23

1:12 1.12 3.4; Apalaws: 3.5-6, 22; 4.6; 16.12; SNM 18.24; 19.1; Piyer: 1Kwr 3.22; 9.5; 15.5; Gal 2.911-14; 2Kwr 10.7 **1:14** 1.14 Kɛrispus: SNM 18.8; Gayus: Rm 16.23-24 **1:16** 1.16 Estefanas: 16.15

Mey-maaya-mawiya na, ya wuzda ta mewulkey nga ndaw-magədan̄ ba. Ya ka anda keɗe na, amba meməcey nga Kəriste da ray hwadam mazlan̄galakaya a terey nga cek nga tede ba.

Yesu Kəriste a wuzdərwa gədan̄ ta len̄gesl nga Gazlavay

¹⁸ Ndəhay masa ma zlan̄gad̄am sem daa cəved̄ nga Gazlavay na, a wulkam mey da ray meməcey nga *Kəriste fa hwadam mazlan̄galakaya na, ara mey nga tede. Ama ngada aləkwa, ndəhay masa Gazlavay ma ləhdata cay na, ya sərkwə meməcey nga Kəriste a wuzwa gədan̄ nga Gazlavay nga ləhdata ndəhay.

¹⁹ Mey nga Gazlavay a ləvey:

«Ndəhay ma sərmara cek na,

ya da tərda mesərey cek ata ha nga cek nga tede.

Ndəhay masa ta len̄gesl na,

ya da tərda len̄gesl ata ha nga cek nga tede.»

²⁰ Da kəne na, ndəhay ma sərmara cek na, mesərey cek ata ha, a da vəltar me? Yaw, *ndəhay maa sərkada kwakwas nga Mawiz na, meesərkedey ata ha a jənta fa mey nga Gazlavay la daw? Ndəhay ma ka yawa wure keɗe kaa na, mekey yawa ata ha a vəltar me? Gazlavay ta wuzda cay, mesərey cek da bəla kaa na, ara cek nga tede, a ləhey ndaw ba.

²¹ Ndəhay da bəla keɗe a səram cek hay mekele mekele. Ta hətmar cek masa Gazlavay

1:18 1.18 Rm 1.16; 2Kwr 4.3 **1:19** 1.19 Iz 29.14; Jəw 12.13, 17; Iz 19.12-14; 44.25 **1:19** 1.19-20 3.18-20; Mt 11.25; Rm 1.22

ma ka ta lenjesl anga la, ama kwa ta sɛrmara Gazlavay daa ba. Maja ngene, a mbafar a Gazlavay amba ndɛhay ma tɛba mey anga a lɛham na, ta fa mey masa ala ma wuzdamara da ray memɛcey nga Yesu fa hwadam mazlangalakaya. Mey masa ala ma wuzdamara ha na, ndɛhay da bɛla a padamara nga cek nga tede.

²² Anda kede, *Jɛwif hay a wudam nga hɛtey maazla amba a sɛrmara mey masa ala ma wuzdamara na, ara mey fara fara. Gɛrek hay na, a wudam nga sɛrey cek ta lenjesl ata gway.

²³ Ama ala na, ya wuzam mey da ray Kɛriste ma mɛcey fa hwadam mazlangalakaya. Jɛwif hay ma cɛndamara mey a na, a cam mevel, a wulkam a key ya cɛdmara Gazlavay. Ndɛhay masa Jɛwif hay ba ma cɛndamara mey a na, a lɛvam ara mey nga tede.

²⁴ Ama ndɛhay masa Gazlavay ma zɛlta, kwa Jɛwif hay, kwa Jɛwif hay ba, ngada ata na, Kɛriste a wuzwa gɛdan nga Gazlavay, asaya, a wuzwa lenjesl maaya nga Gazlavay.

²⁵ Cek nga Gazlavay masa ndɛhay ma wulkam ara cek nga tede na, cek aha, anga ta lenjesl maaya a fɛna lenjesl nga ndaw-magɛdan. Slɛra nga Gazlavay masa ndɛhay ma wulkam a ka anda ndaw masa-bɛle na, slɛra ha, makakaya ta gɛdan ma fɛna gɛdan nga ndaw-magɛdan.

²⁶ Mɛlma adaw hay, wulkam ce. Akwar masa Gazlavay ma zɛlkwar na, akwar sɛkway nga ndɛhay wura? Fa dey nga ndɛhay da bɛla na, ndɛhay ta lenjesl ga da wuzlah akwar daa ba.

1:21 1.21 Rm 1.19-20 **1:22** 1.22 Mt 12.38; Jan 4.48; SNM 17.18, 32 **1:23** 1.23 2.14; Gal 3.1; 5.11 **1:24** 1.24 1.18; 2.5; Kwa 2.3
1:25 1.25 2Kwr 13.4

Asaya, ndəhay ta gədan, len ndəhay mahura hay da wuzlah akwar ga daa ba. ²⁷ Sasəkar jak, Gazlavay a weley na, ndəhay masa ndəhay da bəla * ma wulkam ara cek hay nga tede amba a patar hwaray a ndəhay masa ta lenjesl. Gazlavay a weley na, ndəhay masa ndəhay ma wulkam ata masa-bəle hay amba a patar hwaray a ndəhay masa ta gədan. ²⁸ Gazlavay a weley na, ndəhay saw nga tede masa ndəhay ma rəsmata amba aa zəfddata ndəhay mahura hay. ²⁹ Maja ngene, kwa ndaw pal fa da zlepey fa mey nga Gazlavay daa ba. ³⁰ Yaw, ara maja sləra masa Gazlavay ma ka, akwar macəmkaya ta Yesu Kəriste. Gazlavay a vəldakwar lenjesl na, ta fa Kəriste he. Ara ta fa Yesu Kəriste he saya, Gazlavay ma pandakwar nga ndəhay maaya fa mey anga, a walandakwar wal ngada anga, asaya, a ləhdandakwar daa meməcey. ³¹ Anda kefe, a key anda mawuzlalakaya daa dərəwel nga Gazlavay, ma ləvey: «Da ndaw a wufey nga zlepey na, nga zlepey da ray sləra masa Bay Gazlavay ma ka gway.»

2

Pawl a wuzey mey da ray meməcey nga Yesu

¹ Məlma adaw hay, masa yah ma daw fa akwar nga wuzdakwara mey mabadakaya nga Gazlavay heyey na, ya taa guzley ta mey masa

1:26 1.26 Jan 7.48 * **1:27** 1.27 ndəhay da bəla: Ara ndəhay ma namar ray a Gazlavay ba. Nəka 1Kwr 5.10. **1:27** 1.27-28 Rm 12.16; Jak 2.5; Lk 1.51-53; 6.20 **1:30** 1.30 2Kwr 5.21 **1:31** 1.31 1.29; 2.2; 4.7; Jer 9.22-23; 2Kwr 10.17; 11.30; 12.5; Ef 2.9

mazlædfkaya daa ba, asaya, ya taa guzley ta mey masa ma hæbkwar ray daa ba. ² Daa masa yah da wuzlah akwar na, ya ta kærza mevel la nga wulkey si da ray Yesu *Kæriste ma mæcey fa hwadam mazlanjalakaya gway. ³ Daa ngene, yah masa-bøle, mandørzay fa kaya, ya faa wesey. ⁴ Masa ya fa wuzdakwara mey nga Gazlavay na, ya taa guzley ta mewulkey nga ndaw-magødan amba ka tæbmara mey adaw na, daa ba. Ama ara gødan nga *Mesøfney nga Gazlavay ma wuzdakwara mey adaw a na, ara mey fara fara. ⁵ Da ray ngene, ka pamara Yesu nga ndaw akwar fara fara na, ara maja lenjesl nga ndøhay ba, ama ara maja gødan nga Gazlavay.

Mey da ray lenjesl maaya nga Gazlavay

⁶ Ta ngene he cøpa, ala faa sèrkadamata ndøhay ma tæbmara mey nga Gazlavay maaya maaya ta lenjesl masa fara fara da ray a. Yaa sèrkadamata na, nga sørey cek ta lenjesl nga ndaw-magødan ba, asaya, ta lenjesl nga bay hay da bøla kefe ba, bay hay masa Gazlavay ma daa zødfdata. ⁷ Ama mesørey cek masa ala maa guzlam da ray a kefe na, ara ta lenjesl nga Gazlavay. Ara cek maabadakaya døga zleezle fa dey nga ndøhay. Døga bøla ta zley daa ba aran na, Gazlavay ta wufey la nga læhdandakwar ta fa lenjesl e amba ya mbøzkwa aa slam anga mewefey. ⁸ Bay hay ma wam da bøla kefe

2:1 2.1 1.17 **2:2** 2.2 1.23; Gal 6.14 **2:3** 2.3 SNM 18.9; 2Kwr 10.1, 10 **2:4** 2.4 4.20; 1Tes 1.5 **2:5** 2.5 1.18, 24 **2:7** 2.7 Rm 5.2; 2Kwr 3.18; 4.17; Kwa 1.26

ta sɛrmara lengeſl e daa ba. Da ta sɛrmara la na, anja ta dɛrmara Bay alɛkwa Mahura, ndaw masa ta gɛdan, fa hwadam mazlangalakaya daa ba. ⁹ Cek masa Gazlavay ma ka ha na, anja anda mawuzlalakaya daa dɛrewel nga Gazlavay ma lɛvey:

«Cek masa Gazlavay ma diya
 ngada ndɛhay masa aa ma wudta na,
 ara cek ma fɛna mewulkey nga ndaw-magɛdan.
 Kwa ndaw pal ta hɛtar cek aha ta dey anja daa
 ba,
 kwa ndaw pal ta cɛnda ta slɛmay anja daa
 ba may.»

¹⁰ Ara ngada alɛkwa Gazlavay ma wuzdandakwara cek aha ngene ta fa Mesɛfney anja. Mesɛfney a, a sɛrta cek hay tabiya, kwa mewulkey nga Gazlavay mabadakaya na, a sɛra.

¹¹ Ndaw na, a sɛra mewulkey nga ndaw mekele daw? Si ndaw aha ray anja ma sɛra mewulkey anja, ba diya? Anja letek ta Gazlavay may, ma sɛra mewulkey nga Gazlavay na, wa? Si Mesɛfney anja. ¹² Mesɛfney masa da ray alɛkwa na, a sawa ta fa ndɛhay magɛdan ba, ama ara Mesɛfney masa Gazlavay ma vɛldandakwara amba ya sɛrmatakwa cek hay maaya tabiya masa Gazlavay ma vɛldandakwara.

¹³ Daa masa ala faa guzlmatar a ndɛhay na, yaa guzlmatar ta mey masa ndɛhay maa sɛrkadamandar ta lengeſl ata ba, ama ara *Mesɛfney nga Gazlavay maa sɛrkadandar ngaa

guzley. Anda kede, ala fa wuzdamara mey masa fara fara da ray Gazlavay. Ya wuzdamara na, ngada ndəhay masa ta Mesəfney nga Gazlavay da ray ata. ¹⁴ Ndaw masa ta Mesəfney nga Gazlavay da ray a daa ba na, a gwa nga təba mey nga Mesəfney nga Gazlavay ba. A cənda mey a ba, a wulkey ara mey nga tede, maja ma gwa nga nəka mey a ta ma gwa nga cənda na, si ndaw ta Mesəfney nga Gazlavay da ray a gway.

¹⁵ Ndaw ta Mesəfney nga Gazlavay na, a gwa nga nəkta cek hay tabiya, a sərta cek hay maaya ta maaya ba. Ama ndaw aha na, ndaw ma gwa nga sanjala daa ba. ¹⁶ Anğa letek anda mey nga Gazlavay mawuzlalakaya ma ləvey:

«Ma səra mewulkey nga Bay Gazlavay na, wa? Ma da slar yawa a Bay Gazlavay na, wa?»

Ama aləkwa * na, mewulkey aləkwa letek ta nga Kəriste.

3

Mey da ray ndəhay ma ka sləra nga Gazlavay

¹ Məlma adaw hay, ngaa guzley ngada akwar anda yah maa guzley ngada ndəhay masa ta *Mesəfney nga Gazlavay da ray na, ya gwa ba. Ama yaa guzlkwar na, anda ngada ndəhay da bəla ma kam cek anda ata ma wudam gway, maja akwar anda bəza hay mecəhe daa cəved nga *Kəriste. ² Yaa sərkadakwar na, cek masa

2:13 2.13 2.4; 12.10 **2:14** 2.14 1.18, 23; Jan 3.5-12; 2Kwr 3.14-18

* **2:16** 2.16 aləkwa: Pawl ta ndəhay mekele ta Mesəfney nga Gazlavay da ray ata. **2:16** 2.16 Iz 40.13; Rm 11.34 **3:1** 3.1 Jan 16.12

ta gëra ba arañ. Anğa letek anda bözey ma sey dëwa ma zëmey daf ba arañ. Akwar may, kwa wure kefe, mey masa ta gëra na, ka cëndamara ba arañ anda bözey ma gwa nga zëmey daf ba arañ, ³ maja lenğesl akwar na, anda nga ndəhay da bəla daada gway. Akwar fa kam səleŋ da wuzlah akwar, akwar fa təräm vaw da wuzlah akwar. Da ray nğene, mewulkey akwar na, anda nga ndəhay da bəla daada gway. Menjey akwar na, anda nga ndəhay da bəla gway may.

⁴ Da ndaw da wuzlah akwar a lövey: «Ya səpey na, Pawl,» ndaw mekele a lövey: «Ya səpey na, Apalaws,» mey hay a kefe na, ara mewulkey nga ndaw da bəla, ba daw?

⁵ Apalaws na, wa? Yah Pawl na, wa? Ala na, ndəhay ma ka sləra nga Gazlavay gway. A slərdandərwa amba ka təbmara mey da ray Kəriste. Kwa waawa da wuzlah ala, a key sləra masa Gazlavay ma vəldara. ⁶ Ala na, anda ndəhay mehəvey *. Yah na, ndaw ma sləka cek, Apalaws na, ndaw ma mbəfar yam. Ama Gazlavay na, ndaw ma gəlda cek aha. ⁷ Maja nğene, ndaw ma sləka cek ta ndaw ma mbəfar yam na, ara ndəhay nga tede. Ara Gazlavay pal ma gwa nga gəlda cek aha, ara anğa ma wey da ray a. ⁸ Ndaw ma sləka cek ta ndaw ma

3:2 3.2 Heb 5.12-13; 1Pi 2.2 **3:3** 3.3 1.10-11; Gal 5.19-20 **3:4**

3.4-5 1.12 * **3:6** 3.6 ndəhay mehəvey: Pawl a wufey nga lövey ara anğa ma zlar nga wuzey mey nga Gazlavay da Kwarinti. Fa dəba ha, Apalaws a daw, a vəltar gədaŋ ta mey a saya. Ama ara Gazlavay ma gwa nga jənta ndəhay da Kwarinti amba a diyam fa mey fa mey daa cəved nga Gazlavay. **3:6** 3.6 SNM 18.4, 11, 24-28

mbɔdar yam na, ata letek, Gazlavay a da pɔlar kwa ngada waawa tɔde fa slɔra anɔa. ⁹ Ala cew e na, ala fa kam slɔra ngada Gazlavay. Akwar na, anda ley nga Gazlavay.

Asaya, akwar na, anda way nga Gazlavay malɔmkaya. ¹⁰ Gazlavay ta vɔlya gɔdan la nga zley slɔra ha. Yah na, anda ndaw melɔmey way, ma pa salay nga way maaya maaya ta anɔwa. Wure kedɛ, ndaw mekele ta sawa la nga lɔma way a. Ama si kwa waawa a pey lenɔesl maaya maaya daa melɔmey way a. ¹¹ Salay nga way mapakaya cay, ara Yesu Kɔriste. Ndaw ma gwa nga pey salay nga way mekele daa saba.

¹² Da ray salay nga way a na, ndɔhay siya a lɔmamara way a ta bɔrey maaya, siya hay ta anɔwa maaya, ndɔhay mekele may a kɔdmara ta hwadam, siya hay a kɔrcamara ta guzer, da daa ba, ta panay. ¹³ Ta pas masa Gazlavay ma da ka sariya na, slɔra nga kwa waawa a wuzwa la fa dey nga ndɔhay, maja ta pas a nɔgene na, awaw magɔdkaya a wuzdɔrwa slɔra maaya ta maaya ba nga ndaw a nga ndaw a la. ¹⁴ Da way masa ndaw ma lɔma taa wurey daa ba na, nɔgene, a hɔtey mawurbay nga slɔra anɔa la. ¹⁵ Da way masa ndaw ma lɔma taa wurey sem na, nɔgene, a hɔtey mawurbay nga slɔra anɔa daa ba. Ndaw aha na, a lɔhey la, ama melɔhey a na, ta banay, anda ndaw melɔhey daa awaw.

¹⁶ Ka sɔrmara fara fara, akwar na, anda way

3:8 3.8 4.5 **3:9** 3.9 Mt 13.3-9; Ef 2.20-21; 1Pi 2.4-6 **3:10** 3.10
 1Kwr 15.10 **3:11** 3.11 Iz 28.16; SNM 4.11-12 **3:13** 3.13-15
 Rm 2.6; 2Kwr 5.10 **3:15** 3.15 Jud 23

masa Gazlavay ma njeý da hwaɗ a, asaya, Mesəfney nga Gazlavay aa da mevel akwar.

¹⁷ Ndaw ma bəzla way masa Gazlavay ma njeý da hwaɗ a na, Gazlavay aa zəɗda ndaw aha la may, maja way a, ara way ngada Gazlavay taava anɗa. Way masa Gazlavay ma njeý da hwaɗ a ha na, ara akwar, ray akwar.

¹⁸ Wam vaw, ka da batam ray akwar ba. Da ndaw da wuzlah akwar, a wulkey a sərey cek kalah da bəla keɗe na, nga key anda a səra cek ba, amba a tərey ndaw ma səra cek masa fara fara.

¹⁹ Yaa guzley anda keɗe na, maja mesərey cek da bəla keɗe na, ara cek nga tede fa mey nga Gazlavay. Maja ngene, mey nga Gazlavay aa guzley a ləvey: «Gazlavay a kərzata ndəhay ma səra cek hay la anda ndaw ma kərzey cek ta gadaŋ. A kərzata na, maja wewer ata maaya ba masa ata ma kamara ngene.»

²⁰ Mey nga Gazlavay faa guzley saya, a ləvey: «Bay Gazlavay na, a səra mewulkey nga ndəhay ma səra cek hay. A səra mewulkey ata ha na, ara cek nga tede.»

²¹ Anda keɗe, ndaw a da zlepey maja ndaw ba, maja cek hay tabiya na, ngada akwar.

²² Anda meləvey, yah Pawl, Apalaws leŋ *Piyer na, ala tabiya ngada akwar. Bəla keɗe, menjeý ta dey, leŋ meməcey na, ara ngada akwar. Asaya, cek hay ma kam wure keɗe ta cek hay ma da kam ngada fa mey na, ara ngada akwar.

²³ Ama akwar na, ngada Kəriste, Kəriste

3:16 3.16 6.19; Rm 8.9, 11, 15; 2Kwr 6.16; Gal 5.25; 1Pi 2.5 **3:18**

3.18 4.10 **3:19** 3.19 Jəw 5.12-13; 1Kwr 1.20 **3:20** 3.20 Ps 94.11

3:22 3.22 Rm 8.38

may, ngada Gazlavay.

4

Mey da ray ndəhay meslərey nga Yesu Kəriste

¹ Sərmara, ala na, ndəhay ma ka sləra nga *Kəriste. Mey nga Gazlavay masa mabadakaya na, Gazlavay ta mbəkdandara la a har ala amba ya wuzdamatara a ndəhay. ² Da a mbəkam cek a har ndaw amba a nəkey dey fa vəda na, si ndaw aha a nəkfar dey fara fara anda ndaw ma mbəkdara ha ma ləvar. ³ Da akwar, da daa ba, ndəhay ma ka sariya da bəla kedə, fa nəkmara sləra adaw anda maaya ba, ngada yah na, a tədyə mevel ba. Kwa yah may, ya gwa nga nəka sləra adaw ba. ⁴ Cek masa yah ma ka maaya ba na, ya səra ba, ama nga ləvey yah ndaw maaya na, ya gwa nga ləvey kəne ba may, maja ma da dəsla mey da ray adaw na, ara Bay Mahura pal taava anga. ⁵ Maja ngenə, ka daa guzlam maaya ba da ray sləra nga ndəhay ba. Səkwmarə dər masa Bay Mahura Yesu ma da ka sariya. Ta pas masa aa ma da vəhwa na, a wuzdatərwa cek hay mabadatakaya masa daa ləvan la a palah. Cek hay masa ndəhay ma wulkam daa mevel ata na, a wuzdatərwa la may. Anda kedə, Gazlavay a da həlma kwa waawa təde fa sləra masa aa ma ka.

⁶ Məlma adaw hay, ya ta wuzkwar cek la da ray ala ta Apalaws amba a jənkwar nɡaa sərkey cek hay maaya maaya. Ya wudəy ka kam anda ala,

anda mey a daha, ma løyey: «Mey majəwkaya masa mawuzlalakaya cay na, ndaw a da zləngəy ta ray a ba.» Anda kedə, ka da həslmar ray a ndaw lanğar, ka rəsmara ndaw lanğar na, kəne ba. ⁷ Ma pa kwa waawa da wuzlah akwar ŋga ndaw mahura da ray ndəhay siya na, wa? Ma vəldakwara cek hay tabiya na, ara Bay Gazlavay, ba diya? Da ara Gazlavay ma vəldakwara na, kaa ka zlapam anda ara Gazlavay ma vəldakwara ba, kwara?

⁸ Ka wulkam akwar ta hətam cek hay tabiya cay! Akwar na, ndəhay masa-zleley hay dəba! Akwar na, bay hay, ama ala na, bay hay ba. Mewulkey akwar a ŋgene na, fara daw? Da akwar bay hay fara na, ara cek maaya amba ya zəmkwa bay a bama daa slam a. ⁹ Ala ndəhay meslərey ŋga Yesu Kəriste na, ya wulkey Gazlavay ta pandar sem ŋga ndəhay mecəhe hay. Ala na, anda ndəhay masa sariya ta kərzata sem, ma da kadamata wasa ŋga kədey vagay fa mey ŋga ndəhay tabiya. A kamara kəne fa mey ŋga ndəhay da bəla ta fa mey ŋga maslan hay ŋga Gazlavay.

¹⁰ Ndəhay a pamandar ŋga ndəhay ma ka cek hay saw maja ala fa wuzam mey da ray Kəriste. Ama akwar na, ndəhay ta lenğesl maja akwar macəmkaya ta Kəriste. Ala anda ndəhay masa-bəle hay, ama akwar na, masa-gədan hay. Ala na, ndəhay a hətmandar fa dey ba, ama akwar na, ndəhay fa həslmakwar ray. ¹¹ Haa wure kedə, may fa candar, yam fa kandar, zana fa vaw

ala gwanjada-ɗay-ɗay, ndəhay fa sərdamandar banay, ala fa pəkam saw, way ala hay daa ba, ¹² ya kam sləra ta gədanj ala nɣa hətey cek nɣa zəmey. Da ndəhay a cəɗmandar na, yaa cəɗdamara Gazlavay nɣa katar maaya. Da ndəhay a sərdamandar banay na, ya bəsmara gway. ¹³ Da ndəhay aa guzlam maaya ba da ray ala na, yaa guzlmatar ta mey maakwad a. Haa wure keɗe, fa dey nɣa ndəhay na, ala anda cek hay makwiydakaya da ray-təkal, ala anda cek hay nɣa tede.

¹⁴ Ya wuzlalakwara mey keɗe na, nɣa pakwar hwaray ba, ama amba ya kətkwar anda akwar bəz adaw hay masa yah ma wudta kalah. ¹⁵ Kwa ndəhay ga a sləfam ba faa sərkadamakwar da ray Kəriste, ama papakw akwar na, ara yah pal gway. Yah anda papakw akwar na, maja akwar macəmkaya ta Yesu Kəriste daa masa yah ma wuzdakwara *Mey-maaya-mawiya.

¹⁶ Anda keɗe, ya kakwar ambahw, kam cek anda yah ma ka. ¹⁷ Ara maja nɣene, ya fa slərdakwara Timawte, bəz adaw masa yah ma wuda kalah, anɣa ndaw ma key sləra ta cəved e daa mecəmey-ray nɣa Bay Mahura. Ya slərdakwara na, amba aa sərkadakwara cek masa yah ma ka daa menjey adaw daa cəved nɣa Kəriste saya. A daa sərkadakwara na, anda yah maa sərkadata ndəhay daa *mecəmey-ray nɣa ndəhay nɣa Yesu mandaw mandaw kwa daa

4:12 4.12 Lk 6.28; SNM 7.60; Rm 12.14; sləra nɣa Pawl: SNM 18.3 **4:13** 4.13 Mwy 3.45 **4:15** 4.15 Gal 4.19 **4:16** 4.16 11.1; Fəl 3.17; 1Tes 1.6

wura daa wura cɔpa.

¹⁸ Ndɔhay siya da wuzlah akwar fa zlapam maja a wulkam na, ya fa da vɔhey fa akwar daa saba. ¹⁹ Ama da Gazlavay ta tɔba la na, gweegwe ya vɔhey fa akwar saya. Da masa yah ma wusey la na, ya hɔɔfatar ndɔhay ma zlapam hay a la. Anda keɔe, ya da sanɔalawa na, mey masa ata maa guzldamara daada ba, ama ya da sanɔalawa slɔra masa ata ma kamara may.

²⁰ Ya fa sɔrkwa, mewey nga Bay Gazlavay da ray ndɔhay na, a wuzwa ta fa gɔɔaɔɔ nga *Mesɔfney nga Gazlavay, ba na, a wuzwa ta fa mey meeguzley gway ba. ²¹ Akwar, ka wudam na, kwara? Ka wudam ya sawa fa akwar ta laway da har daw? Da daa ba, ya sawa ta mevel maaya amba ya wuzdakwara ya fa wudkwar daw?

5

Mey da ray ndaw ma key cek malamba

¹ Ya fa cɔnda fa ndɔhay daa wura daa wura, a lɔvam ndaw da wuzlah akwar daha fa ley vaw saw. Kwa ndɔhay ma sɔrmara Gazlavay ba na, fa kam cek anda aɔga ma ka nɔgene daa ba. A lɔvmaya ndaw a fa ney ta nɔguas nga papaha.

² Sasɔkar ka tɔwam ba jak daw? Ka zlapam na, kwara? Ndaw ma key cek anda nɔgene na,

4:17 4.17 Timawte: 16.10; SNM 16.1; 2Kwr 1.1 **4:19** 4.19 da Gazlavay ta tɔba la: SNM 18.21; Jak 4.15 **4:20** 4.20 2.4; 15.24
4:21 4.21 2Kwr 1.23; 13.10 **5:1** 5.1 Lev 18.8

si ka bəlmara la da wuzlah akwar *. ³ Yah na, yah da wuzlah akwar fetede ba, ama mevel adaw aa ta akwar. Ya ta dəsla mey da ray ndaw ma key cek malamba anda ngene cay anda yah da wuzlah akwar. ⁴ Ya dəsla mey a na, ta mezəley nga Bay aləkwa Mahura Yesu. Anda kede, ta pas masa akwar macəmkaya daa slam a na, mevel adaw a da njeý ta akwar, asaya, gədan nga Bay aləkwa Mahura a da njeý ta akwar may. ⁵ Daa mecəmey akwar a ngene, vəldamara ndaw aha a bay-malula nga sərda banay ta vaw anga, amba Gazlavay a ləhda mesəfney anga ta pas masa Bay aləkwa Mahura ma da vəhwa.

⁶ Ka zlapam na, maja me? Mezlepey na, ara cek maaya ba. Ka sərmara cek ma həsla hapa nga makala kuset kədəy na, a gwa nga həsla hapa nga makala madakaya ga, ba diya? Anga letek kəne, mebərey nga ndaw pal na, a gwa nga nəsa mecəmey-ray akwar tabiya. ⁷ Anda ala *Jəwif hay maa zakadamara cek ma həsla peñ da way ala hay masa gwagway nga *Pak gweegwe cay na, akwar may, bəlmara ndaw aha la maja anga na, anda cek ma həsla peñ maaya ba da wuzlah akwar. Anda kede, ka da təram anda hapa nga makala madakaya təlam manjar cek ma həsla da hwad a. Ya səra fara fara Gazlavay ta tərdakwar sem manjar mebərey ta fa meməcey nga *Kəriste. Anda Jəwif hay ma hərmara bəz-təban ngada Gazlavay ta gwagway nga Pak na, Kəriste na, anga anda bəz-təban

* **5:2** 5.2 da wuzlah akwar: A wufey nga ləvey, daa mecəmey-ray nga ndəhay nga Yesu. **5:2** 5.2 6.12; 10.23 **5:3** 5.3-4 Kwa 2.5 **5:5** 5.5 1Tm 1.20 **5:6** 5.6 Gal 5.9

aləkwa ma mōcey maja aləkwa. ⁸ Anda keɗe, kakwa gwagway! Ama ya kakwa gwagway a na, ta peŋ manjar cek ma hēsla da hwaɗ a. Anda melōvey, mbəkɗakwa mekey maagway. Tərkwā ndəhay manjar mebərəy, ndəhay maaya masa ma ka cek ta cəved e.

⁹ Daa leeter aɗaw langar daha na, ya ta wuzlalakwar la, ya ləvkwar ka da cəmam ɗay ta ndəhay ma lam vaw saw ba. ¹⁰ Yaa guzley na, da ray ndəhay ŋga bəla keɗe ba. Da bəla keɗe na, ndəhay ma lam vaw saw, ndəhay ma kam dey fa cek hay ŋga ndəhay, mayal hay leŋ ndəhay ma tam kuley hay daha. Da ndaw a ləvey a njeŋ ta ndəhay a daa slam a ba na, ŋgene si a mbəkɗa bəla keɗe kwa. ¹¹ Ama yaa guzley na, da ray ndəhay ma səpam cəved ŋga Yesu Kəriste. Da ndaw a ləvey aŋga fa səpa cəved ŋga Yesu, fa dəɓa ha, a ley vaw saw, da daa ba, a key dey fa cek ŋga ndaw, da daa ba, a teŋ kuley hay, da daa ba, a cəɗey ndaw, da daa ba, a sey wuzam, a wey, da daa ba, a leley na, ŋgene, ka da njam ta ndaw aha daa slam a ba. Kwa ɗaf na, ka da zəmam daa slam a ba may. ¹²⁻¹³ Ndəhay ma səpam cəved ŋga Yesu ba na, ara yah ma da katar sariya ba. Ara Gazlavay ma da katar sariya. Ama akwar na, si ka sangalamata ndəhay da wuzlah akwar, ba diya? Mey ŋga Gazlavay mawuzlalakaya, a ləvey: «Ndaw ma key cek malamba na, ɓəlmara la da wuzlah akwar.»

5:7 5.7 Mab 12.1-15; 13.7; Jan 1.29; 1Pi 1.19 **5:9** 5.9 Mt 18.17; 2Tes 3.14 **5:11** 5.11 6.9-10; 2Tes 3.6; Tit 3.10; 2Jn 10 **5:12-13** 5.12-13 Mew 13.6

6

Mey da ray sariya

¹ Da ndaw da wuzlah akwar ta tɔram vaw la ta ndaw mekele da wuzlah akwar na, ndaw aha a wuda fa ndəhay ma ka sariya masa ma sərmara Gazlavay ba na, kwara? A da wuda fa ndəhay a ŋgene ba səlak. Anja maaya na, a wuda fa ndəhay ŋga Gazlavay.

² Ka sərmara, ma da ka sariya ŋgada ndəhay da bəla tabiya na, ara ndəhay ŋga Gazlavay, ba diya? Da ara akwar ndəhay ŋga Gazlavay ma da kamatar sariya a ndəhay da bəla na, kaa cek mecəhe anda ŋgene, ka gwamara ŋga dəsłmara mey da ray a ba na, kwara? ³ Sərmara, kwa maslaŋ hay ŋga Gazlavay da vad* na, ara aləkwa ma da kamatakwar sariya. Yaw, da ara anda keɗe na, kaa ya gwakwa ŋga dəsley mey hay da bəla keɗe ba na, maja me?

⁴ Ndəhay masa ma sərmara Gazlavay ba na, mey ata ta akwar, ndəhay ma tɔba mey ŋga Yesu, daa ba. Da kəne na, ka handamara mey ma key da wuzlah akwar ŋgada fa ata amba a dəsłmakwara na, kwara? ⁵ Yaa guzłkwar anda keɗe na, amba hwaray a kakwar. Fara fara, ndaw pal masa ta lenɗesl da wuzlah akwar ŋga dīykwara mey hay na, daa ba daw? ⁶ Nəkmara cek masa akwar ma kamara! Akwar fa wudam vaw da wuzlah akwar, asaya, ka wudam vaw a

6:2 6.2-3 Rm 5.17; 2Pi 2.4; Jud 6; CWJ 1.6 * **6:3** 6.3 maslaŋ hay ŋga Gazlavay da vad: Ara maslaŋ hay siya masa ma rəsmara Gazlavay zleezle. Nəka Jud 6; 2Pi 2.4.

na, fa mey nga ndəhay ma sərmara Gazlavay ba. Ngene na, ara cek maaya daw?

⁷ Fara fara, akwar fa wudam vaw da wuzlah akwar. Mewudey vaw akwar a ngene a wudey nga lövey akwar fa kam cek maaya anda Gazlavay ma wudey na, daa ba səlak. Da ndaw a kakwar cek maaya ba, da daa ba, a lalakwar na, maaya na, ka bəsmara gway, ka da wudmara ba. ⁸ Ma kam cek maaya ba ngada ndəhay na, ara akwar ta ray akwar jak. Kwa məlmakw akwar hay siya daa cəvedə nga Yesu na, akwar fa lalamatara cek ata hay. ⁹ Ka sərmara fara fara, ndəhay ma kam cek maaya ba na, fa da mbəzam aa slam masa Gazlavay fa wey da vad na, daa ba. Pam leŋgesl, ka da fəcam ray akwar ba. Sərmara, ndəhay ma kam cek malamba, ndəhay ma ta kuley hay, ndəhay ma lam vaw saw da palah, zel hay ma lam vaw ta zel cəla ta ŋgusay ma lam vaw ta ŋgwas cəla, ¹⁰ ndəhay ma lalam cek hay nga ndəhay mekele, ndəhay ma kam dey fa cek nga ndəhay, ndəhay ma sam wuzam ma wam, ndəhay ma kam mbaɗa fa ndəhay leŋ ndəhay ma bəzla ndəhay, fa da mbəzam aa slam masa Gazlavay fa wey da vad na, daa ba. ¹¹ Zleezle na, ndəhay da wuzlah akwar fa kam cek maaya ba kəne. Ama wure keɗe na, Bay aləkwa Mahura Yesu *Kəriste ta *Mesəfney nga Gazlavay aləkwa ta pərmakwar sem, akwar manjar mebərey, ta walamakwar sem wal ngada Gazlavay, ta tərđamakwar sem

nga ndəhay maaya fa mey nga Gazlavay.

Mey da ray menjey maaya ma mbafar a Gazlavay

¹² Ndəhay siya da wuzlah akwar fa wulkam, a ləvam: «Cek matəkakaya nga key na, daa ba.» Ahaw fara, cek matəkakaya daa ba, ama cek hay siya fa da jənkwar daa ba. Ya wulkey yah ta cəved nga key cek wura wura tabiya, ama ya fa da vəlda ray adaw nga tərey beke nga cek hay a na, daa ba. ¹³ Akwar fa wulkam saya, ka ləvam: «Gazlavay a karawa cek mezəmey maja hwad, a karawa hwad may maja cek mezəmey.» Ahaw fara, ama Gazlavay a ka la amba a ndəvdata cek hay a cewete. Gazlavay a ləmrava vaw nga ndaw na, nga key cek malamba ta anga ba. Ama a ləmrava na, amba ya səpkwa Bay aləkwa Mahura Yesu *Kəriste. Asaya, ara Bay Mahura ma wey da ray vaw nga ndaw. ¹⁴ Gazlavay ta sləkɗadərwa Bay aləkwa Mahura Yesu sem daa meməcey, aləkwa may, a da sləkɗandakurwa daa meməcey ta gədan anga.

¹⁵ Ka səmra vaw akwar hay na, ata anda mezəvey hay nga vaw nga Kəriste, ba daw? Ya gwa ya cəmda mezəvey hay nga vaw nga Kəriste a dey nga ngwas-barlaw daw? Kəne na, fa da key daa ba səlak. ¹⁶ Ndaw ma nam ta ngwas-barlaw na, vaw ata ta tərey sem anda ndaw pal na, ka səmra ba daw? Ara anda mawuzlalakaya daa dərwelel nga Gazlavay, ma

6:11 6.11 Tit 3.3-7; Heb 9.14; 1Jn 1.7 **6:12** 6.12 8.9; 10.23; Gal 5.13; 1Pi 2.16 **6:13** 6.13 Mt 15.17-19; 1Tes 4.3 **6:14** 6.14 15.15, 20; Rm 6.4; 8.11; 2Kwr 4.14 **6:15** 6.15 12.27

løvey: «Ata cewete, a tøram anda ndaw pal.»

¹⁷ Ndaw ma vølda ray anga a Bay Mahura Yesu na, mevel anga ta nga Bay Mahura ha na, ata letek.

¹⁸ Maja ngene, ka da lam vaw saw ba. Mebørey hay mekele cøpa masa ndøhay ma kamara na, a njej fa vaw ata ba. Ama ndaw ma ley vaw saw na, a key ngene, a nøsa vaw anga. ¹⁹ Vaw akwar ara slam-menjey nga *Mesøfney nga Gazlavay na, ka sørmara ba daw? Gazlavay a vøldakwara Mesøfney anga amba a njej daa akwar. Vaw akwar hay na, ara akwar ma wamara ba, ama ara Gazlavay ma wa.

²⁰ Gazlavay ta mbødkurwa sem ngada anga ta cek maaya nga løhdakwar daa mebørey. Maja ngene, hølmar ray a Gazlavay ta cek masa akwar ma kamara ta vaw akwar.

7

Mey da ray meley ngwas

¹ Wure kede, amba ya mbøddakwara aa mey masa akwar maa cøfdamaya daa leeter akwar heyey. Ka løvmaya, maaya na, ndaw a ley ngwas ba. ² Ama, maja ndøhay fa lam vaw saw ngene na, ngama kwa waawa nga ley ngwas, ngwas may, nga ley zel. ³ Maaya na, zel a vøldara vaw a ngwas anga, ngwas may, a vøldara vaw a zel e. ⁴ Ngwas na, a gwa nga wa vaw anga ba, ama ara zel e ma wa. Ndaw-mezøle may, a gwa nga

6:16 6.16 MC 2.24; Mt 19.5; Ef 5.31 **6:17** 6.17 Jan 17.21-23; Rm 8.9-11; 2Kwr 3.17-18; Gal 2.20 **6:19** 6.19 3.16 **6:20** 6.20 7.23; Rm 13.14; 1Pi 1.18-19 **7:2** 7.2 1Tes 4.3-4 **7:3** 7.3 Ef 5.21-29

wa vaw an̄ga ba, ama ara ngwas an̄ga ma wa. ⁵ Anda keɗe, ka da təkam vaw da wuzlah akwar ba, si daa maɗay akwar nga ɗar nekəɗey amba ka dɔram dangay a Gazlavay kwa. Fa dɔba ha, kamara anda maamandaw cən̄ga. Da daa ba na, akwar fa da gwamara nga jəɗmara vaw akwar daa ba, *Sataŋ a da batakwar.

⁶ Yaa guzlkwar anda keɗe na, a key, ya təkakwar ɗay ba, ama a key, ya vɛlkwar cəved amba ka kamara kəne. ⁷ Da anda yah ma wuɗey na, ya wuɗey ndəhay tabiya a njam manjar ngwas anda yah. Ama Gazlavay a vɛlda gəɗan̄ ngada ndəhay na, wal wal. Ngada ndaw lan̄gar a vɛlar gəɗan̄ nga ley ngwas, ngada ndaw lan̄gar, a vɛlar gəɗan̄ nga njeɗ manjar ngwas.

⁸ Wure keɗe na, ya wuɗey ngaa guzltar ngada ndəhay masa manjar ngusay ta ngada ngwas-vagay hay. Maaya na, ka njam kəne manjar ngwas anda yah, da daa ba, manjar zel. ⁹ Ama da ka gwamara nga bəsmara ba na, maaya na, zel a ley ngwas, da daa ba, ngwas a ley zel. Ngama zel a ley ngwas, da daa ba, ngwas a ley zel da ray mewuɗey nga ley vaw saw n̄gene ma da fən̄kwar ray.

¹⁰ Yaw, wure keɗe ya wuɗey ngaa guzltar a ndəhay masa ta ngusay, asaya, a ngusay masa ta zel hay masa ata daa *mecəmey-ray nga ndəhay nga Yesu. Yaa guzley na, ara mey aɗaw ba, ama ara Yesu Bay Mahura maa guzley, a ləvey: ngwas a da bey dasi zel e ba. ¹¹ Da ngwas a mbəkda

7:7 7.7 Mt 19.11-12; 1Kwr 12.11 **7:9** 7.9 1Tm 5.14 **7:10**
7.10-11 Mt 5.32; 19.9

zel e na, nga njeƷ kwa a ley zel mekele ba. Da a wuƷey nga ley zel saya na, nga vøhey asi zel e magurma nga diymørwa mey ata aa slam a. Zel may, a da bøla ngwas anƷa ba.

¹² Wure keƷe, ya wuƷey ngaa guzley ngada ndøhay mekele. Mey masa yah ma daa guzlda keƷe na, ara mey nga Bay Mahura saba, ama ara mey aƷaw gway. Ya fa løvkwar, da ndaw ma tøba mey nga Yesu *Køriste aa ta ngwas masa ma tøba mey nga Yesu Køriste ba, asaya, da ngwas a ta tøba la nga njeƷ ta anƷa na, a da bøla ngwas aha ba. ¹³ AnƷa letek køne may, da ngwas ma tøba mey nga Yesu aa ta zel masa ma tøba mey nga Yesu ba, asaya, da zel e ta tøba la nga njeƷ ta anƷa na, ngwas aha a da bey ba. ¹⁴ Yaa guzley anda keƷe na, maja ndaw masa ma tøba mey nga Yesu daa ba aranƷ kaa na, anƷa gweegwe ta Gazlavay maja anƷa macømkaya ta ngwas anƷa masa ma tøba mey nga Yesu sem. Ngada ngwas masa ma tøba mey nga Yesu daa ba aranƷ kwa køne may, anƷa gweegwe ta Gazlavay maja zel e. Da daa ba na, bøz ata hay fa da njam maaya fa mey nga Gazlavay daa ba. Ama fara fara bøz ata hay na, ata da wuzlah ndøhay nga Gazlavay. ¹⁵ Ama da ndaw ma tøba mey nga Yesu ba fa wuƷey nga bøla ngwas anƷa ma tøba mey nga Yesu na, mbøkdamara nga bøla. Anda keƷe, ndaw ma tøba mey nga Yesu, kwa da ara zel, kwa da ara ngwas na, ata macømkaya daa saba. Mbøkdamata nga wunkam ta zazay, maja

Gazlavay a zəlkurwa na, nga njeý daa zazay.
¹⁶ Kah, ngwas ma təba mey nga Yesu, ka səra fara fara, zel akah a ləhey la daa mebərey maja kah daw? Kah, ndaw ma təba mey nga Yesu, ka səra fara fara, ngwas akah a ləhey la daa mebərey maja kah daw?

Mey da ray menjeý nga ndəhay masa Gazlavay ma zəla

¹⁷ Cek mahura daa mey a kefe na, ara mey masa yah maa sərkatatara a ndəhay nga Yesu daa mecəmey-ray hay tabiya. Maaya na, kwa waawa a ka sləra masa Gazlavay ma vəldara nga ka, asaya, nga njeý anda daa masa Gazlavay ma zəla. ¹⁸ Da Gazlavay a zəla ndaw ta sla mandawal daa ba araŋ na, ngene, a da sla mandawal saba. Yaw, da Gazlavay a zəla ndaw ta sla mandawal sem na, nga njeý ta mandawal anga maslakaya ha, kwa a key cek ba. ¹⁹ Kwa mandawal maslakaya, kwa manjar nga sley na, ara cek nga tede, maja a jəney ndaw fa mey nga Gazlavay ba. Cek mahura na, ara meney ray a *mewey nga Gazlavay. ²⁰ Si kwa waawa a njeý anda daa masa Gazlavay ma zəla. ²¹ Daa masa Gazlavay ma zəlka na, kah beke daw? Da kəne na, ka da wulkey ba. Ama da kah ta cəved amba ka pəska ray akah daa beke na, səpa cəved e. ²² Beke masa Bay Mahura *Kəriste ma zəla na, ta bawa sem daa beke maja anga macəmkaya ta Bay Mahura ha. Yaw, ndaw-beke ba masa

7:15 7.15 menjeý daa zazay: 14.33; Rm 12.18; 14.19; 2Kwr 13.11; Kwa 3.15; Heb 12.14 **7:16** 7.16 1Pi 3.1 **7:18** 7.18 Gal 5.1

7:19 7.19 Rm 2.25-29; Gal 5.6

Keriste ma zola may, ta terey sem beke nga Keriste he. ²³ Gazlavay ta mbædkurwa sem ngada anga ta cek maaya nga læhdakwar daa meberey. Ka da tæram beke nga ndøhay saba.

²⁴ Mølma adaw hay, kwa waawa nga njeý anda daa masa Gazlavay ma zola.

Mey ngada ndøhay manjar ngwas leý ngada ngwas-vagay hay

²⁵ Wure kefe, ya wufey ngaa guzlar ngada ndøhay masa manjar ngusay, ta ngada ngusay masa manjar zel hay. Mey a na, ara Bay Mahura ma wuzdiwa ba, ama ara mewulkey adaw gway. Ta ngene he cæpa, jækfamaya slømay cønga maja yah na, Gazlavay ta særfaya dey-ceceh la, amba yaa guzley meý masa fara fara ta gødan nga Bay Mahura.

²⁶ Maaya na, ndøhay a njam anda ata man-jatakaya gway. Yaa guzley anda kefe, maja wure kefe banay hay kalah. ²⁷ Da ndaw anga ta ngwas na, a da bæla ngwas anga ha ba. Da ndaw ngwas anga daa ba na, a da leý ngwas ba.

²⁸ Ama da ndaw a leý ngwas na, ara meberey ba, da sabara a leý zel na, ara meberey ba. Sæmara, ndøhay ma lam ngwas, da daa ba, ngusay ma lam zel na, a særam banay la ga da bæla kefe. Ya fa wufey banay a, a sawa a ray akwar ba.

²⁹ Mølma adaw hay, ya fa lævkwar, dar nga key sløra nga Gazlavay ga daa saba. Anda kefe, døga wure kefe, ndøhay ta ngusay na, nga njam

7:22 7.22 Ef 6.6; Flm 16; 1Pi 2.16 **7:23** 7.23 6.20 **7:25** 7.25
 1Tm 1.12-14 **7:26** 7.26 Jer 16.1-4; SNM 14.22; 1Tes 1.6; 3.3-4
7:28 7.28 Lk 21.23

anda ata ta ngusay daa ba. ³⁰ Ndohay masa fa tawam na, nga njam anda ata daa mataway daa ba. Ndohay daa meesamey, nga njam anda ata daa meesamey daa ba. Ndohay ma hɔɔkam cek, nga njam anda cek hay masa ata ma hɔɔkamata ha ngene na, ara ngada ata ba. ³¹ Ndohay ma kam slɔra ta cek hay da bɔla keɔe, nga njam anda ata fa kam slɔra ta cek hay a daa ba. Ya lɔvkwara anda keɔe, maja bɔla keɔe fa da nje ya daa ba.

³² Ya wudey na, ray akwar a hɔbey ba. Ndaw masa ta ley ngwas daa ba na, mewulkey anga aa da ray Bay Mahura, a wudey nga key cek ma mbafar a Bay Mahura. ³³ Ama ndaw masa ta ngwas na, mewulkey anga aa da ray cek hay da bɔla, a wudey nga key cek nga mbafar a ngwas anga. ³⁴ Anda keɔe, lenjesl anga fa hɔbey. Asaya, ngwas manjar zel, da daa ba, sabara na, mewulkey anga aa da ray Bay Mahura. A wudey nga vɔlda mevel anga ta vaw anga cɔpa a Gazlavay. Ngwas masa ta zel na, mewulkey anga aa da ray cek hay da bɔla. A wudey nga kar cek ma mbafar a zel e.

³⁵ Yaa guzlkwar anda keɔe na, nga jɔnkwar, ba na, a key ya tɔkɔkwara day ba. Ama ya wudey na, ka kam cek ta cɔved e, asaya, ka kamar slɔra a Bay Mahura ta mevel pal.

³⁶ Ya wudey ngaa guzlkwar wure keɔe da ray bɔz-gula ta kwakwa anga masa ta larawa a way daa ba arɔ. Da bɔz-gula ha, a wulkey anga fa kar cek maaya ba a kwakwa anga, maja fa zɔnar

7:29 7.29-31 Rm 13.11-13; 1Pi 4.7; Fɔl 4.5 **7:31** 7.31 1Jn 2.17

7:33 7.33 Lk 14.20

vaw nga larawa, asaya, da anɗa fa wuɗey nga ney ta anɗa na, nga larawa a way anɗa anda aa ma wuɗey, ara meɓerey ba. ³⁷ Ama da ɓez-gula ha fa wulkey daa ray anɗa, a lɔvey, maaya na, a la kwakwa anɗa ba, asaya, da ndaw a tɔkar ɗay ba, da a ɓɔsa nga njeɗ kɔne na, ngene, ara cek maaya. ³⁸ Yaw, ndaw ma ley kwakwa na, a key ngene, a key cek maaya. Ndaw ma ley kwakwa ba na, a key ngene, a key cek maaya ma fɔna saya.

³⁹ Ngwas masa zel e ta mɔceɗ daa ba aran na, anɗa ta cɔved nga ley zel mekele daa ba. Ama da zel e ta mɔceɗ sem na, anɗa ta cɔved nga ley zel mekele anda aa mewuɗey, ama nga ley na, ndaw masa ma tɔɓa meɗ nga Yesu *Kɔriste. ⁴⁰ Ama fa yah na, ngama a ley zel ba, maja da anɗa pal taava anɗa na, a da njeɗ maaya maaya da ray masa anɗa da way zel. Kede he ara mewulkey adaw. Ya wulkey yah may, yah ndaw masa ta *Mesɔfney nga Gazlavay da ray.

8

Mey da ray aslaw nga kuley

¹ Wure kede na, ya daa guzley da ray aslaw nga kuley. Fara fara, alɔkwa tabiya, ya sɔrkwa cek anda akwar ma lɔvam. Mesɔrey cek na, fa zlapadata ndɔhay. Ama mewuɗey-vaw na, fa vɔltar gɔɗan a ndɔhay daa *mecɔmey-ray nga ndɔhay nga Yesu. ² Da ndaw a zlepey, a wulkey

7:39 7.39 Rm 7.2-3 **8:1** 8.1 SNM 15.29; Rm 12.16; mewuɗey-vaw: 13.1-7; 14.1; 16.14; Jan 13.34; Rm 15.1-2; 2Kwr 8.7-8, 24; Gal 6.10; Ef 5.2 **8:1** 8.1-13 Rm 14.1-15.6

a sɔrey cek kalah, ŋgene, cek masa Gazlavay ma wufey na, a sɔra ba araŋ. ³ Ama ndaw ma wuɗa Gazlavay ta mevel anɗa pal na, Gazlavay a sɔra ndaw aha.

⁴ Yaw, aslaw ŋga kuley na, ya zɔmkwa daw? Ya zɔmkwa ba daw? Ya sɔrkwa kuley na, ara cek ŋga tede. Asaya, ya sɔrkwa Bay Gazlavay na, anɗa pal.

⁵ Fara fara, cek hay da gazlavay da vad ta da bɔla daha masa ndɔhay fa ragadamatar anda ŋgada Gazlavay. Cek hay a na, ara kuley hay. Kuley hay a na, ata ga. Asaya, bay hay mekele mekele daha fa wam da ray ndɔhay, anda ata na, gazlavay ŋga ndɔhay a.

⁶ Ama ŋgada alɔkwa na, Gazlavay anɗa pal letek, ara Papa alɔkwa. Cek hay tabiya da bɔla na, ara anɗa ma katɔrwa. Menjey alɔkwa na, ara ŋgada anɗa. Bay Mahura na, anɗa pal may, ara Yesu *Kɔriste. Gazlavay a katɔrwa cek hay tabiya ta fa anɗa. Ara anɗa ma vɔlndakwar heter.

⁷ Ama ndɔhay siya da wuzlah akwar a sɔrmara mey masa fara fara ha kedɛ ba. Haa wure kedɛ fa zɔmam aslaw ŋga kuley, anda ata fa tam kuley cɔnɗa. Ata ta gɔdan daa cɔved ŋga Gazlavay daa ba araŋ. Maja ŋgene, a wulkam aslaw ŋga kuley masa ata ma zɔmamara na, ta nɔsta sem fa mey ŋga Gazlavay. ⁸ Sɔrmara, cek mezɔmey na, fa da tɔrdandakwar ŋga ndɔhay maaya fa mey ŋga Gazlavay na, daa ba. Da ya zɔmkwa aslaw ŋga kuley na, a jɔndakwar ba, da ya zɔmkwa ba na,

8:3 8.3 13.12; Gal 4.9 **8:4** 8.4 10.19-20; Mew 4.35, 39; 6.4-5; Gal 4.8-9 **8:6** 8.6 12.5-6; Jan 1.3-4; Ef 4.5-6; Kwa 1.16 **8:7** 8.7-12 10.23-33

a nōsey cek ba may.

⁹ Akwar na, ta cōved ŋga zōmey kwa meeme anda akwar ma wuɗam. Ama pam lenḡesl! Da daa ba, ndōhay masa ta ḡoɗaŋ pōreh daa mey ŋga Gazlavay na, a da kam meborey maja akwar.

¹⁰ Yaw, wulkey da ray ndaw masa ta ḡoɗaŋ pōreh daa mey ŋga Gazlavay. Da a hōtka, kah, ndaw masa ma sōra cek, ka fa zōmey aslaw daa way ŋga kuley na, ŋgene, a hōlda ndaw aha ŋga zōmey aslaw ŋga kuley a daa ba daw? ¹¹ Maja ŋgene, mōlmakw masa ta ḡoɗaŋ pōreh ŋgene, masa Kōriste ma mōcey maja aŋga na, a da zlenḡedey daa cōved masa maaya maja mesōrey cek akah ha ŋgene. ¹² Da akwar fa kamara kōne na, ŋgene a key ka kamatar cek maaya ba a mōlmakw akwar hay masa ta ḡoɗaŋ pōreh, asaya, a key ka dakalamatara mevel ata. Ka kam cek maaya ba ŋgene na, ŋgada mōlmakw akwar hay daada ba, ama a key ka kamar cek maaya ba ŋgada Kōriste ray aŋga may. ¹³ Maja ŋgene, da mōlma aɗaw a zlenḡedey daa cōved masa maaya maja cek masa yah ma zōma na, ŋgene, ya fa da zōmey aslaw daa saba sōlak amba mōlma aɗaw a zlenḡedey ba.

9

Mey da ray ndōhay meslōrey ŋga Yesu

¹ Yah na, ndaw ma waya ba, ya key cek anda yah ma wuɗey, ba diya? Yah na, *ndaw-meslōrey ŋga Yesu. Ya ta hōtar Bay alōkwa

Mahura Yesu la ta dey adaw *, ba diya? Fara fara, ara maja slëra adaw ngada Bay Mahura Yesu, akwar ma tëbmara mey anga. ² Kwa da ndøhay siya a tëbmara yah na, ndaw-meslërey nga Yesu ba, ama akwar na, ka sërmara fara fara yah ndaw-meslërey nga Yesu. Akwar macëm kaya ta Bay Mahura Yesu maja yah ma wuzdakwara *Mey-maaya-mawiya. Ngene, fa wuzdërwa yah na, ndaw-meslërey nga Yesu fara fara.

³ Ndøhay maa guzlam mey maaya ba a ray adaw na, ya da mbødfatara ngada ata, ya løvtar: ⁴ yah ta cøved nga høtey cek mezømey ta nga sey cek maja slëra masa yah ma ka, ba daw?

⁵ Ndøhay meslërey hay mekele nga Bay Mahura Yesu *Køriste ta mëlma ha hay lej *Piyer ata ta ngusay, fa pøkam bama. Kaa yah na, ta cøved nga ley ngwas ma tëba mey nga Yesu, ya pøkam cew e, ba daw? ⁶ Ma da key slëra nga høtey cek mezømey na, si ala ta *Barnabas gway daw?

⁷ Ndaw-sewje ma høtey mawurɓay nga slëra anga ba, daha daw? Ndaw ma røvey wudez, cek ma tëka nga zømey babøza nga wudez e daha daw? Mecækwer nga gønaw hay, cek ma tëka nga sey dëwa nga gønaw hay a daha daw?

⁸ Mey masa yah maa guzlda kedë na, ara mewulkey nga ndøhay magødan daada ba, kwa

* **9:1** 9.1 Gazlavay a wuzar cek a Pawl, a høtar Bay Mahura daa masa anga fa dërey dangay da Jeruzelem. (SNM 22.14, 18; Gal 1.16) **9:1** 9.1-2 4.9, 15; 15.8-10; 2Kwr 2.14-17; 3.1-3; 5.18-20; 10.7-8, 13; 11.5, 13; 12.11-13; Gal 1.1 **9:4** 9.4 Lk 10.7-8; Mt 10.10 **9:6** 9.6 Barnabas: SNM 4.36; 11.22-26; slëra masa Pawl ma key nga høtey cek mezømey: SNM 18.3

*kwakwas nga Mawiz na, faa guzley kōne may. ⁹ Mawiz ta wuzleley la, a lōvey: «Daa masa sla fa key slōra da ley na, ka da par beben a mey ba.» Ka wulkam, Gazlavay fa wulkey na, da ray sla hay daada daw? ¹⁰ Kay, kōne ba! Gazlavay aa guzley anda kefe na, ngada alōkwa. Ndaw mehōvey na, a wulkey a da hōtey cek mezōmey. Maaya na, a zōmey cek masa anga ma hōva ha may. Ndaw ma dōgey daw na, maaya na, a zōmey daw a may. ¹¹ Ala fa wuzdamakwara mey nga Gazlavay anda ndaw ma slōkey hulfaɗ a ley. Yaw, da ka vōlmandar cek maja na, a kafakwar kalah daw? ¹² Da ndōhay mekele ata ta cōved nga hōtey cek mezōmey fa akwar na, ala may, ala ta cōved nga hōtey cek mezōmey fa akwar ma fōnta, ba diya? Anja nga key na, kōne, ama kwa ala taa cōɗafamakwar cek nga jōndar daa ba. Sasōkar jak, banay hay tabiya na, ala fa bōsmara, maja ala ta wudam nga key cek ma tōkta ndōhay nga cōndamara Mey-maaya-mawiya da ray Kōriste na, daa ba.

¹³ Ka sōrmara ndōhay ma ka slōra daa *Way-mekey-kwakwas nga Gazlavay na, fa hōtam cek mezōmey fa slōra masa ata ma kamara ha ngene. Ndōhay ma hōram gōnaw nga vōley a Gazlavay na, a gwamara nga zōmam aslaw masa ata ma vōdamara a Gazlavay a ngene may. ¹⁴ Anga letek kōne ngada ndōhay ma wuzdamara Mey-maaya-mawiya may, maja Bay alōkwa Mahura Yesu ta lōvey la, ndōhay ma

9:9 9.9 Mew 25.4; 1Kwr 10.11; 1Tm 5.18 **9:11** 9.11 9.4; Rm 15.27; Gal 6.6 **9:12** 9.12 SNM 20.34-35; 2Kwr 11.9 **9:13** 9.13 Mesl 18.8-19

wuzdamara Mey-maaya-mawiya na, nga hëtam cek mezëmey fa slëra ata ha.

¹⁵ Ama, yah na, ya taa cëfdey cek daa ba sëlak. Ka wulkam ya wuzlalakwara leeter kede na, amba ka slërmaya cek daw? Kay, kënë ba! Da yaa cëfdafakwar cek maja slëra adaw na, kwa ya fa da hëtey cek amba ya zlepey daa saba. Anda kede, ngama yah ma mëcey. ¹⁶ Ngada yah na, mewuzey Mey-maaya-mawiya ara cek amba ya zlepey ta anga ba, maja ara slëra masa Gazlavay ma təkya day nga ka. Da ya wuzda Mey-maaya-mawiya ha ba na, banay a hëtfaya la. ¹⁷ Da ara mewulkey adaw taava adaw nga wuzey Mey-maaya-mawiya a ndëhay na, anja ngene na, maaya a pëlmiwa mawurbay nga slëra adaw. Ama ara Gazlavay ma təkya day nga ka slëra ha. Anda kede, ya key na, slëra masa mavëldakaya ngada yah nga key gway. ¹⁸ Kaa, mawurbay adaw na, daa ba daw? Mawurbay adaw na, daha. Ara mewuzey Mey-maaya-mawiya nga tede. Yah ta cëved ngaa cëfdafatar cek hay fa ndëhay maja ya fa wuzda Mey-maaya-mawiya, ama kwa ya taa cëfdey cek daa ba sëlak.

Mey da ray Mey-maaya-mawiya ma daw fa mey fa mey

¹⁹ Yah na, kwa ndaw ma təkya day nga key cek na, daa ba. Ama, ya ta vëlda ray adaw la nga tërey beke nga ndëhay tabiya amba ya jëney ndëhay ga ma fëna ma fëna nga tëbey mey da

ray Yesu *Køriste. ²⁰ Daa masa yah da wuzlah *Jøwif hay na, ya njeɣ, ya key cek anda ata ma kamara, amba ya jønta nga tøbey mey da ray Yesu Køriste. Kwakwas nga *Mawiz na, anga ta gødan da ray adaw daa ba, ama da yah da wuzlah ndøhay ma søpa kwakwas a na, si ya key cek anda ata ma kamara, amba ya jønta nga tøbey mey da ray Yesu Køriste. ²¹ Da yah da wuzlah ndøhay ma søpam kwakwas nga Mawiz ba na, ya key cek anda ata ma kamara, amba ya jønta nga tøbey mey da ray Køriste may. Ya ta løyey ya søpa *mewey nga Gazlavay ba na, daa ba, maja fara fara, ya fa søpa mewey nga Køriste.

²² Daa masa yah da wuzlah ndøhay ma tøba mey nga Yesu masa ta gødan pøreh na, si ya key cek anda ata ma kamara, amba ya jønta nga tøbey mey da ray Yesu Køriste. Ya kata cek hay wal wal tabiya anda ndøhay tabiya ma kamara, amba ndøhay mekele mekele a løham. ²³ Ya kata cek hay a tabiya kefe na, amba *Mey-maaya-mawiya a daw fa mey fa mey, asaya, amba Gazlavay a pøsyä mey, anda anga ma pøstar mey a ndøhay mekele may.

²⁴ Daa kwakurfa nga mahway na, ndøhay ga ma hwam, ama ndaw ma da key bay-gula nga høtey cek na, ndaw pal gway. Yaw, akwar may, kam gødan nga hway anda bay-gula daa kwakurfa ha amba ka høtey cek. ²⁵ Kwa waawa ma wufey nga key kwakurfa na, si a vølda ray

9:19 9.19 Mt 20.26-27 **9:19** 9.19-22 10.23-24, 32-33; Rm 15.1

9:20 9.20 SNM 16.3; 21.20-26 **9:21** 9.21 Gal 2.3-4 **9:22** 9.22
Rm 1.13; 2Kwr 5.11; 11.29 **9:24** 9.24-25 Føl 3.12-14; 2Tm 2.4-6;
4.7-8; Jak 1.12; 1Pi 5.4; CWJ 2.10

an̄ga, a mbəkdata cek hay mekele mekele ma n̄sa ndaw, aa sərkey maaya maaya la dagay. A v̄lda ray an̄ga anda ked̄e na, n̄ga key bay-gula, n̄ga h̄tey cek. Ama cek masa an̄ga ma da h̄tar fa mawurbay an̄ga n̄gene na, fa da n̄jey ga daa ba. Al̄kwa na, ya v̄ldakwa ray al̄kwa anda n̄gene amba ya h̄tkwa cek masa ma da n̄jey n̄ga s̄rmataw. ²⁶ Maja n̄gene, yah na, ya hway saw daa kwakurda ba. Asaya, yah na, anda ndaw mewed̄ey har. Har ad̄aw a daw a ley ba. ²⁷ Yah na, ya fa s̄rda banay ta vaw ad̄aw, ya fa k̄eta vaw ad̄aw ta ḡdan̄ ta ḡdan̄, ya fa wey da ray vaw ad̄aw amba yah, ndaw masa ma wuzda Mey-maaya-mawiya a nd̄ohay na, Gazlavay a k̄zlaya ta cakay ba.

10

Mey da ray kuley hay

¹ M̄elma ad̄aw hay, ya wud̄ey ka s̄rfadamara cek masa Gazlavay ma ka ta papañ n̄ga papa al̄kwa hay zleezle daa masa ata fa s̄p̄mar wurzay n̄ga *Mawiz. Gazlavay ta s̄rtata la ta mekwtene * tabiya ata. Asaya, ata tabiya ta zl̄ngam la ta daa B̄lay Magaza. ² Ata tabiya, Gazlavay ta katar *baptem la daa mekwtene len̄ daa b̄lay a, amba a c̄m̄ta ta Mawiz. ³ Ata tabiya, ta z̄mam cek ma sawa ta fa Gazlavay la daa slam a, ⁴ asaya, ta sam yam ma sawa ta

9:27 9.27 Rm 8.13; 13.14 * **10:1** 10.1 N̄ka Mab 13.21 ta 14.22-29. Mekwtene he a wuzwa Gazlavay aa ta ata. Mezl̄nḡey b̄lay a wuzwa Gazlavay ma l̄hdata sem. **10:1** 10.1 Mab 13.21; 14.21-29 **10:3** 10.3 Mab 16.13-35; Mew 8.3; Ps 78.24-25

fa Gazlavay la may. Yam masa ata ma samara ha na, a bawa daa p̄eraɗ masa Gazlavay ma v̄elɗatara. P̄eraɗ aha fa daw asi ata. P̄eraɗ aha na, ara *K̄eriste. ⁵ Ta ŋgene he c̄opa, nd̄ohay ga da wuzlah ata, a kam cek ma mbafar a Gazlavay ba. Maja ŋgene, ta m̄ecam sem da wuzlah-ley.

⁶ Cek hay a ma kam ŋgene na, a pandakwar lenjesl amba cek hay malamba masa papan ŋga papa al̄ekwa hay ma kamara ŋgene na, ya kakwa ba. ⁷ Nd̄ohay siya da wuzlah ata ta tam kuley hay la. An̄ga letek anda ma wuzlalakaya zleezle daa ɗerewel ŋga Gazlavay, a l̄ovey: «Da mey kuley, nd̄ohay a njam ŋga z̄omey cek ta ŋga sey wuzam. Fa d̄eba ha, a lacam, a ḡervam da mey kuley a.» † Akwar na, ka da tam kuley anda ata ba. ⁸ Nd̄ohay siya da wuzlah ata ta lam vaw saw la da palah, maja ŋgene, nd̄ohay gabal kwakwar cew a ray a maakar (23.000) ta m̄ecam la pas pal. Al̄ekwa na, ya da lakwa vaw saw da palah anda ata ba. ⁹ Nd̄ohay siya da wuzlah ata ta jadamara Bay Gazlavay la, haa zezekw hay a zamata, ta', a m̄ecam. Al̄ekwa na, ya da jadakwa Bay Mahura K̄eriste anda ata ma jadamara Bay Gazlavay ba. ¹⁰ Nd̄ohay siya da wuzlah ata taa ŋguram mey la ‡, maja ŋgene, maslan ŋga Bay Gazlavay masa ma k̄oɗey ndaw vagay ta k̄oɗta sem vagay. Akwar na, ka daa ŋguram mey anda

10:4 10.4 Mab 17.6; Mesl 20.11; Ps 78.15 **10:5** 10.5 Mesl 14.29-30; Ps 78.31; Heb 3.17; Jud 5 **10:6** 10.6 Mesl 11.4, 34; Ps 106.14 † **10:7** 10.7 Meḡervey ata ŋgene, a h̄elɗata ŋga ley vaw saw da palah. N̄eka Mab 32.6. **10:8** 10.8 Mesl 25.1-9 **10:9** 10.9 Mesl 21.5-6 ‡ **10:10** 10.10 N̄eka Mesl 16.41; 17.5, 10.

ga, ama peñ e na, anğa pal gway. Maja nğene, aləkwa macəmƙaya pal.

¹⁸ Wulkam da ray ndəhay *Israyel hay zleezle, ata fa həram gənaw hay da ray slam-mefəkey cek a Gazlavay. Ndəhay ma zəmam aslaw mavəldakaya nğada Gazlavay na, ata macəmƙaya ta Gazlavay.

¹⁹ Yaw, mey a kedē, a wudfey nğa ləvey na, kwara? A wudfey nğa ləvey, kuley ta aslaw nğa kuley a na, ara cek hay fara fara ba.

²⁰ Ama da ndəhay ma sərmara Gazlavay ba fa tam kuley na, a vəldamara aslaw a, a mesəfney maaya ba hay, ba na, a Gazlavay ba. Ya wudfey na, ka cəmam ta mesəfney maaya ba hay a ba.

²¹ Ka sam cek masa mavəldakaya nğada mesəfney maaya ba hay, asaya, ka sam cek nğa sərfedey meməcey nğa Bay Mahura saya na, kwara? Ka zəmam dəf masa mavəldakaya nğada mesəfney maaya ba hay, asaya, ka zəmam dəf nğa sərfedey meməcey nğa Bay Mahura saya na, kwara?

²² Da ya kakwa kəne na, Bay Mahura a da cey mevel a ray aləkwa, ba diya? Ka wulkam na, ya fənƙwa Bay Mahura ta gədañ daw?

Mey da ray cek ma da jənta ndəhay nğa səpey mey nğa Gazlavay

²³ Ndəhay siya da wuzlah akwar, fa wulkam, a ləvam: «Cek matəkakaya nğa key na, daa ba.» Ahaw, fara, cek matəkakaya daa ba, ama cek hay tabiya maaya nğa key ba. «Cek matəkakaya

10:17 10.17 12.27 **10:18** 10.18 Lev 7.11-21 **10:19** 10.19
8.4 **10:20** 10.20 Mew 32.17; Ps 106.37; CWJ 9.20 **10:21** 10.21
2Kwr 6.15-16 **10:22** 10.22 Mew 32.21

nga key na, daa ba.» Ama cek hay tabiya a gwamara nga jənmata ndəhay daa *mecəmey-ray nga ndəhay nga Yesu ba. ²⁴ Ka da nəkam dey fa cek hay ma jənmakwar daada ba, ama nəkam dey fa cek hay ma jənam ndəhay mekele may.

²⁵ Aslaw tabiya masa akwar ma hətam daa luma na, ka gwamara nga hədkamara, ka zəməmara. Ka da wulkam da ray a ba səlak, ka daa cəfdamara ara aslaw nga me ba. ²⁶ Yaa guzley anda kefe na, maja mawuzlalakaya daa dərewel nga Gazlavay, a ləvey: «Bəla ta cek hay da hwad a tabiya na, ara nga Bay Gazlavay.»

²⁷ Anda kefe, da ndaw ma təba mey nga Yesu *Kəriste ba ta zəlkwar la nga zəmey dəf da way anga, da akwar ma təbmara la nga daw a way anga ha na, dəf masa ata ma vəldamakwara na, zəməmara, ka da wulkam da ray a ba səlak, ka daa cəfdamara ara aslaw nga me ba. ²⁸ Ama da ndaw a ləvkwar: «Aslaw kefe, ara aslaw nga kuley» na, ngene, ka da zəməmara ba. Ka zəməmara ba maja ndaw ma kadakwara ngene, a da wulkey. ²⁹ Yaa guzley na, maja mewulkey akwar ba, ama maja mewulkey nga ndaw aha. Fara fara, cek matəkakaya nga zəmey na, daa ba. Kaa, ya da key cek anda mewulkey nga ndaw mekele na, maja me? ³⁰ Da ya zəmey cek na, ya kar suse a Gazlavay maja cek aha. Kaa ndaw aa guzley maaya ba da ray adaw maja yah ma zəma

10:23 10.23 6.12; 8.7-12 **10:23** 10.23-33 Rm 14.1-15.6 **10:24** 10.24 10.32; 13.5; Rm 15.1-2; Fəl 2.4 **10:25** 10.25 Rm 14.2
10:26 10.26 Ps 24.1; 89.12 **10:28** 10.28 8.7

cek masa yah ma kar suse sem a Gazlavay maja na, kwara?

³¹ Maja ngene, kwa ka zomam cek, kwa ka sam cek, kwa ka kam cek wura wura na, kamara amba slomay nga Bay Gazlavay a zoley. ³² Ka da kam cek masa ma haldata ndohay nga kam meborey ba, kwa ngada ndohay *Jowif hay, kwa ngada ndohay masa Jowif hay ba hay, kwa ngada ndohay daa mecemey-ray nga ndohay nga Yesu, ka da kam ba. ³³ Njam anda yah, cek hay tabiya masa yah ma ka na, ya wudey amba a mbafatar a ndohay tabiya. Ya nakey dey na, fa cek ma da jonya yah taava adaw ba, ama ya fa nakey dey fa cek ma da joney ndohay ga may, amba Gazlavay a lohdata daa meborey.

11

¹ Yah na, ya fa key cek anda Keriste. Akwar may, kam cek anda yah ma ka.

Mey da ray ngwas ta zel fa mey nga Gazlavay

² Ya fa helmakwar maja akwar fa serfadamaya mandaw mandaw, asaya, maja akwar fa kamata cek hay anda yah maa serkadakwara.

³ Ama ya wudey na, ka sarmara, *Keriste na, anga *bay-ray nga ndohay tabiya, zel na, anga bay-ray nga ngwas anga, Gazlavay may, anga bay-ray nga Keriste. ⁴ Da ndaw-mezole fa derar dangay a Gazlavay, asaya, fa wuzey mey nga Gazlavay fa mey nga ndohay ta jikwew da ray

10:30 10.30 Rm 14.6; 1Tm 4.4 **10:31** 10.31 Kwa 3.17 **10:32** 10.32 Rm 14.13 **10:33** 10.33 9.19-22 **11:1** 11.1 4.16 **11:2** 11.2 2Tes 2.15; 3.6 **11:3** 11.3 3.23; MC 3.16; Ef 5.23

na, ηgene a key a rəsa Kəriste, ndaw masa ma wa. ⁵ Ngwas may, da anga fa dərar dangay a Gazlavay, da daa ba, fa wuzey mey nga Gazlavay fa mey nga ndəhay na, a da mbəkda ray ba' kəne ba, nga jəwey adikwaw a ray, da daa ba na, a key ηgene, a rəsa zel e. Ngwas aha na, hwaray a da kar anda ηgwas masa ray mahəjkaya. ⁶ Da ηgwas a jəwey adikwaw a ray ba na, nga həja ray * anga. Ama, maja mehəjey ray, da daa ba, mesley ray, a key hwaray na, ηgene nga jəwey adikwaw a ray.

⁷ Da ndaw-mezəle fa da dərar dangay a Gazlavay na, a da pey jikwew a ray ba, maja anga na, a lawa Gazlavay, asaya, aa fa wuzdərwa gədan ηga Gazlavay. Ama ηgwas na, aa fa wuzdərwa gədan ηga zel e. ⁸ Gazlavay ta ley tetesl daa vaw ηga ηgwas ηga ləmey ndaw-mezəle na, daa ba. Ama a ley na, tetesl daa vaw ηga ndaw-mezəle ηga ləmey ηgwas. ⁹ Gazlavay ta ləma ndaw-mezəle maja ηgwas na, daa ba, ama a ləma ηgwas maja ndaw-mezəle. ¹⁰ Maja ηgene, ηgwas na, si a jəwey adikwaw a ray maja maslan ηay ηga Gazlavay † da vad. Mejəwey adikwaw a ray ηgene a wuzwa anga fa nar ray a zel e. ¹¹ Ama daa menjey aləkwa ta Bay Mahura

* **11:6** 11.6 a həja ray: a həza ray **11:7** 11.7 MC 1.26-27 **11:8** 11.8-9 MC 2.18-23; 1Tm 2.13 † **11:10** 11.10 maja maslan ηay ηga Gazlavay: Ndəhay a wulkam Pawl a wufey ηga ləvey maslan ηay ηga Gazlavay na, ata da wuzlah ndəhay daa medərey-dangay. Anda kefe, a wufam cek hay tabiya a kam ta cəved e. Ndəhay mekele a wulkam a ləvam maslan ηay na, fa sərtamara ray ata fa mey ηga Gazlavay may. Nəka Iz 6.2.

na, ngwas a wa ray anga ba, ndaw-mezøle may, a wa ray anga ba. ¹² Kwa Gazlavay a løma ngwas ta tetesl nga ndaw-mezøle na, ama ara ngwas ma yarawa ndaw-mezøle cønga. Ata cewete na, ara Gazlavay ma lømtørwā, Gazlavay masa ma katørwā cek hay tabiya.

¹³ Akwar ta ray akwar, wulkam cey: ngwas na, a dørar dangay a Gazlavay ray ba' køne fa mey nga ndøhay na, maaya daw? ¹⁴ Kwa waawa a søra da ndaw-mezøle anga ta engwec fa ray ga na, ara hwaray ngada ndaw aha. ¹⁵ Ama ngwas, da anga ta engwec fa ray sølep sølep na, ara cek maaya kalah ngada anga, maja Gazlavay a vøldara engwec maazøma na, amba a bødā ray anga. ¹⁶ Da ndaw fa key yawa da ray mey a na, si a søra kwakwas ala mekele da ray mey a kefe na, daa ba. Kwa kwakwas mekele nga ndøhay daa *mecømey-ray hay nga Yesu da ray mey a na, daa ba may.

Mey da ray mezømey daf nga sørfedey memøcey nga Bay Mahura Yesu

(Matiye 26.26-29; Mark 14.22-25; Luk 22.14-20)

¹⁷ Ehe, ya wufey ngaa guzkwar mey mekele daha. Ya fa da kakwar suse maja mey a daa ba. Mekusey akwar tabiya na, fa døykwā daa ba, ama a key a nøskwar jak. ¹⁸ Cek ngeeme na, ya fa cønda fa ndøhay, a løvam daa mekusey akwar nga dørey dangay a Gazlavay na, akwar fa walam vaw ta weley da wuzlah akwar. Ya wulkey taa slam langar na, akwar fa kamara køne fara. ¹⁹ Yaw, maaya na, mewudkey-dāy a

key da wuzlah akwar amba ndohay ma sɔpmara meƳ nga Yesu ta cɔved e, a sɔram kwa. ²⁰ Daa meƳsey akwar akwar fa zɔmam daf, ama ara nga sɔrfedey memɔceƳ nga Bay Mahura fara fara ba, ²¹ maja kwa waawa fa wuseƳ vaw nga zɔma daf anƳa. Anda keƳe, ndohay siƳa, may fa catar, ama siƳa hay, fa wam. ²² Akwar na, ta way akwar hay, ba diƳa? Zɔmamatɔrwa daf a, samatɔrwa cek akwar hay a da way akwar hay gway taw. Ka wudam nga rɔsmata ndohay daa meƳmey-ray nga ndohay nga Yesu daw? Ka wudam nga pamatar hwaray a ndohay masa-viƳa hay daw? Ka wudam yaa guzlkwar na, kwara? Ka wulkam na, ya kakwar suse la daw? Kay! Ya fa da kakwar suse daa ba sɔlak.

²³ Cek masa yah maa sɔrkadakwara keƳe na, ara Bay Mahura Yesu maa sɔrkadiwa. Dasi tavad masa ata ma da vɔldamara Bay Mahura Yesu a har masa-gɔra anƳa hay nga sɔrdamara banay na, Yesu a, leƳ! a ley peƳ, ²⁴ a kar suse a Gazlavay maja, a wunka, ta', aa guzley, a lɔvey: «KeƳe he, ara vaw adaw mavɔldakaya ngada akwar. Kamara anda keƳe amba ka sɔrfadamaya.» ²⁵ Masa ata ma ndɔvdamara mezɔmey daf la na, leƳ! a la vɔley ta cek mesey da hwad a, ta', aa guzley saya, a lɔvey: «KeƳe he na, ara mambaz adaw. Ta fa mambaz a, Gazlavay a jɔweƳ meƳ mawiƳa ta ndohay anƳa hay. Da akwar fa da samara na, kamara anda

11:19 11.19 Mew 13.2-4; 1JƳ 2.19

11:22 11.22 Jak 2.5-6

11:23 11.23-25 10.16; Mt 26.26-28

yah ma ka keƙe amba ka sɔrfadamaya.» ²⁶ Anda keƙe, ta pas masa akwar fa zɔmamara peɲ keƙe ta akwar fa samara cek aha keƙe na, ɲgene, akwar fa wuzdamara mey da ray memɔcey ɲga Bay Mahura, dɔga wure keƙe haa kasl ma vɔhwa aɲga.

²⁷ Anda keƙe, da ndaw a zɔma peɲ, a sa cek mesey ɲga Bay Mahura saw saw na, a key ɲgene, a key meɔrey maja aɲga ma rɔsa vaw ta mambaz ɲga Bay Mahura ha. ²⁸ Da ray ɲgene, si ndaw a nɔka ray aɲga la dɔgay, fa dɔɔa ha, a gwa ɲga zɔmey peɲ e, ta ɲga sey cek mesey a. ²⁹ Ndaw ma zɔma peɲ ta ma sey cek mesey a ta meney ray ba na, ɲgene, ta wulkey da ray memɔcey ɲga Bay Mahura daa ba. Anda keƙe, Gazlavay a da ceɲ mevel da ray a. ³⁰ Ara maja ɲgene, masa-macay hay ta masa-bɔle hay ga da wuzlah akwar daha. Asaya, siya hay ga ta mɔcam sem. ³¹ Da kwa waawa da wuzlah alɔkwa a nɔka ray aɲga la dɔgay, wara cay a zɔmey daf ɲga sɔrfedey memɔcey ɲga Bay Mahura na, ɲgene, Gazlavay fa da ceɲ mevel a ray alɔkwa daa ba. ³² Ama, da Bay Gazlavay fa sɔrdandakwar banay na, a key ɲgene, a kɔndakwar amba ta pas masa Gazlavay ma da katar sariya a ndɔhay da bɔla na, sariya ha, a kɔrzandakwar anda ndɔhay siya hay ba.

³³ Anda keƙe, mɔlma adaw hay, da masa akwar ta kusam la ɲga zɔmey daf ɲga sɔrfedey

11:25 11.25 mejɔwey-mey: Jer 31.31-34; Lk 22.20; 2Kwr 3.6; Heb 8.6; mambaz: Mab 24.6-8; Heb 9.12 **11:26** 11.26 Mt 26.29 **11:27** 11.27 11.20-22; Heb 10.29 **11:28** 11.28 2Kwr 13.5 **11:32** 11.32 Heb 12.5-6; CWJ 3.19

meməcey nga Bay Mahura na, səkwam vaw da wuzlah akwar la d'agay. ³⁴ Da ndaw may fa car na, nga zəmwa daf da way anga la d'agay, amba daa masa akwar makustakaya na, Gazlavay a ceƷ mevel a ray akwar ba. Da ray mey hay mekele na, da masa ya ta wusey la fa akwar na, ya d'iyta mey hay a la.

12

Mey da ray gədan masa Mesəfney nga Gazlavay ma vəldatara a ndəhay

¹ Məlma adaw hay, wure keƷe ya daa guzlkwar da ray gədan mekele mekele masa *Mesəfney nga Gazlavay ma vəlda ngada ndaw a, ndaw a maja mewudəy-vaw anga. Ya wudəy na, ka cəndamara mey da ray gədan a maaya maaya. ² Ka sərmara daa masa akwar ta tərām ndəhay nga Yesu *Kəriste daa ba aran na, akwar fa tam kuley hay. Kuley hay na, aa guzlam ba, ama akwar fa vəldamara ray akwar a kuley hay nga wamakwar ma fəna ma fəna, ka gwamara nga jaram ba. ³ Maja ngene, ya wudəy na, ka sərmara fara fara, da ndaw anga ta Mesəfney nga Gazlavay da ray a na, ndaw aha, a gwa ngaa guzley, a ləvey: «Kuse! Yesu nga nəsey» na, daa ba. Ama, da ndaw aa guzley, a ləvey: «Yesu ara Bay aləkwa Mahura» na, ngene, ndaw aha aa guzley ta gədan nga Mesəfney nga Gazlavay.

⁴ Gədan masa Mesəfney nga Gazlavay ma vəldatara a ndəhay nga key sləra anga na, a

wuzwa wal wal fa ndaw a fa ndaw a, ama ara Mesəfney a pal ηgene ma veldatara a ndəhay.

⁵ Sləra hay masa Bay Mahura Yesu ma veldatara ηgada ndəhay na, ata wal wal may, ama ya kakwa sləra ηgada Bay Mahura pal gway.

⁶ Gazlavay a veltar gədan wal wal ηgada ndəhay ηga key sləra anga, ama ara Gazlavay pal ma velda gədan ηga key sləra hay a tabiya.

⁷ Gədan ηga Mesəfney ηga Gazlavay fa wuzwa vaw wal wal ηgada kwa waawa da wuzlah akwar. A key anda ηgene na, ηga jəney ndəhay tabiya.

⁸ Mesəfney ηga Gazlavay a vələr lenqesl maaya ηgada ndaw ηгаа guzley maaya. Nɡada ndaw lanɡar, Mesəfney a, a vələr gədan ηga sərey cek hay amba a wuzdatara a ndəhay.

⁹ Nɡada ndaw lanɡar saya, Mesəfney ηga Gazlavay a vələr gədan ηga təbey mey ηga Yesu fara fara aa mevel anga. A səra a gwa a key cek ma fəna gədan anga ta fa Mesəfney ηga Gazlavay a. Nɡada ndaw mekele, Mesəfney ηga Gazlavay a vələr gədan ηga mbəley masamacay hay. Ara Mesəfney ηga Gazlavay a pal ηgene ma velda gədan ηga key sləra hay a.

¹⁰ A vələr ηgada ndaw lanɡar gədan ηga key maazla hay. Nɡada ndaw mekele, a vələr gədan ηga təley mey masa Gazlavay ma wuzdara. Nɡada ndaw mekele, a vələr gədan ηga sərey sləra ηga Mesəfney ηga Gazlavay ta ηga sərey sləra ηga mesəfney maaya ba. Nɡada ndaw lanɡar saya, a vələr gədan ηгаа guzley ta mey hay mekele mekele masa anga ma cənda ba. Nɡada ndaw

12:4 12.4-11 12.27-14.40; Rm 12.6-8; Ef 4.4 **12:5** 12.5 12.28-30

12:7 12.7 14.26

lanġar saya, a vølar gødan ġga mbøfdey mey masa ndaw ma cønda ba. ¹¹ Ara Mesøfney ġga Gazlavay a pal taava aġga ma gwa ġga vølda gødan ġga key sløra hay a tabiya. Mesøfney a, a wunkey gødan mekele mekele anda aa ma wudefy ġgada kwa waawa.

Mey da ray mecømey-ray ġga ndøhay ġga Køriste

¹² Yaw, vaw ġga ndaw-magødan na, aġga pal, ama mezøvey hay mekele mekele daha. Kwa mezøvey hay ga fa ndaw daha, ama vaw na, aġga pal gway. *Køriste na, aa køne may. ¹³ Daa masa aløkwa ma høtkwa *baptem na, aløkwa tabiya ta tøkwa vaw pal sem ta gødan ġga *Mesøfney ġga Gazlavay pal. Aløkwa tabiya, kwa *Jøwif hay, kwa ndøhay masa Jøwif hay ba, kwa beke hay, kwa beke hay ba, Gazlavay a vøldakwar na, Mesøfney aġga ha ġgene pal.

¹⁴ Vaw ġga ndaw na, aġga ta mezøvey pal daada ba, ama aġga ta mezøvey hay ga. ¹⁵ Da salay a løvey: «Yah mezøvey ġga vaw ba maja yah na, har ba», kwa da aa guzley køne na, aġga mezøvey ġga vaw ba fara daw? ¹⁶ Da slømay a løvey: «Yah mezøvey ġga vaw ba, maja yah na, dey ba», kwa da aa guzley køne na, aġga mezøvey ġga vaw ba fara daw? ¹⁷ Da vaw ġga ndaw ara dey daada na, ġgene ndaw aha a da jøkey slømay ta me? Da vaw ġga ndaw, ara slømay daada na, ġgene ndaw aha a da cønda

12:10 12.10 14.5; SNM 2.4 **12:11** 12.11 7.7; Rm 12.3; Ef 4.7; 1Pi 4.10 **12:12** 12.12-26 12.27 **12:13** 12.13 Gal 3.27-28

mezey nga cek hay ta me? ¹⁸ Ama Gazlavay ta katərwa mezəvey hay nga vaw la tabiya aa slam anga, aa slam anga, anda aa ma wudey. ¹⁹ Da Gazlavay a pey mezəvey nga vaw pal daada na, ηgene, ara vaw ba. ²⁰ Ya sərkwā, mezəvey hay nga vaw na, ata ga, ama vaw na, anga pal gway.

²¹ Anda keɖe, dey a gwa a ləvey: «Walay aɖaw ta har daa ba» na, kəne ba. Asaya, ray a gwa a ləvey: «Walay aɖaw ta salay daa ba» na, kəne ba. ²² Sasəkar jak, mezəvey nga vaw masa kah ma pa nga cek nga tede ηgene, da mezəvey a daa ba na, ka məcey. ²³ Mezəvey hay nga vaw masa ma mbafandakwar ba na, ya wakwa vaw ta anga jak, ba diya? Mezəvey hay nga vaw masa aləkwa ma badatakwa fa dey nga ndəhay na, ya pakwa lenɖesl kalah na, a ray ata jak, ba diya? ²⁴ Mezəvey hay nga vaw masa ma mbam na, nga ata, ya pakwa lenɖesl a ray ata ba. Gazlavay a pata mezəvey nga vaw nga ndaw cəpa, a həsltar ray. A həsltar ray ma fəna na, ηgada mezəvey hay masa ma nəkam anda cek nga tede. ²⁵ A patərwa mezəvey hay tabiya aa slam a na, amba vaw a wunkey ba, asaya, amba mezəvey hay a jənam vaw da wuzlah ata. ²⁶ Da mezəvey nga vaw pal fa sərey banay na, mezəvey hay nga vaw tabiya a səram banay asiya may. Da fa həslmar ray a mezəvey nga vaw pal na, mezəvey hay siya tabiya aa səmam may.

²⁷ Yaw, akwar na, vaw nga Kəriste. Kwa waawa na, anga mezəvey pal nga vaw nga

Keriste he. ²⁸ Daa *mecamey-ray nga ndohay nga Yesu na, Gazlavay ta pey ndohay la mekele mekele nga key slera anga. Ngeeme na, a pey ndohay meslore y nga Yesu. Nga dey cew e na, a pey ndohay ma tala mey anga. Nga dey maakar a na, a pey ndohay maa sarkada ndohay. Asaya, ngada ndohay mekele a veltar gedan nga key maazla hay. Ngada ndohay mekele, a veltar gedan nga mboley masa-macay hay. Ngada ndohay mekele, a veltar gedan nga joney ndohay. Ngada ndohay mekele, a veltar gedan nga key *bay-ray. Ngada ndohay mekele saya, a veltar gedan ngaa guzley ta mey hay mekele mekele masa ata ma sarmara ba. ²⁹ Ndohay tabiya na, ata ndohay meslore y nga Yesu daw? Ndohay tabiya na, fa talam mey nga Gazlavay daw? Ndohay tabiya na, faa sarkadamatara mey nga Gazlavay a ndohay daw? Ndohay tabiya na, fa kam maazla hay daw? ³⁰ Ndohay tabiya na, fa mbelam ndohay daa macay daw? Ndohay tabiya na, faa guzlam ta mey hay masa ata ma sarmara ba daw? Ndohay tabiya na, fa mbeddamura mey hay masa ndohay ma cendamara ba a ndohay mekele daw? ³¹ Ama slera hay masa Mesofney nga Gazlavay ma veldatara a ndohay ma fenta siya hay na, kamara ta mevel pal.

Mey da ray mewufey-vaw

Wure kede, ya da wuzkwar caved maaya ma fenta caved hay mekele.

12:27 12.27 6.15; 10.17; 12.12; Rm 12.4-5; Ef 4.4, 16; 5.30 **12:28**
 12.28 12.8-10; 14.1-4; SNM 13.1; 15.32; Ef 4.11-12 **12:31** 12.31
 14.1

13

¹ Kwa yaa guzley ta mey hay mekele mekele, kwa yaa guzley ta mey nga maslan hay nga Gazlavay, ama da ya wufey ndaw ba na, ngene, yah na, letek ta gwanḡwanḡw, da daa ba, ta mawiyar ma wurzley sləmay. ² Da Gazlavay a vəlya gədan nga təley mey anḡa a ndəhay, kwa ya sərta cek hay tabiya, kwa ya cənda mey hay nga Gazlavay masa mabadatakaya, kwa ya təba mey nga Gazlavay kalah haa ya gwa ya ləvar ngada anḡwa: «Sləkdəy, daw», fa dəba ha, anḡwa ha a daw na, kwa ta ngene he cəpa, da ya wufey ndaw ba na, ngene, yah cek nga tede.

³ Da ya wunkatara cek adaw hay tabiya a ndəhay masa-viya hay, kwa da ya vəlda ray adaw nga wewurey maja ndəhay, ama da ya wufey ndaw ba na, ngene kwa fa da jənya daa ba.

⁴ Ndaw ma wufey ndaw na, a bəsta ndəhay tabiya, a key cek hay maaya ngada ndəhay, a key səleḡ fa ndəhay ba, a zlepey ba, a gəlda ray anḡa ba. ⁵ Ndaw ma wufey ndaw na, a key cek ma ka hwaray ba, a wulkey da ray cek hay ngada anḡa taava anḡa ba, a cey mevel ba, a pey mey aa mevel ba. ⁶ Ndaw ma wufey ndaw na, aa səmey da ray cek hay maaya ba hay ba, ama aa səmey da ray cek hay masa maaya fara fara. ⁷ Ndaw ma wufey ndaw na, a bəsa cek ma key maaya ba tabiya fa mey anḡa, a wuzda ba, a təba mey nga Gazlavay mandaw mandaw, a wulkey Gazlavay

13:1 13.1 2Kwr 12.3-4 **13:1** 13.1-7 8.1; Rm 13.8-10 **13:2** 13.2 12.8; Mt 7.22; 17.20 **13:3** 13.3 Dan 3.19-20; Mt 19.21 **13:5** 13.5 10.33; MM 10.12; Fəl 2.4

a da dfiyta cek hay tabiya, asaya, a b̄esta cek hay wura wura c̄opa.

⁸ Mewudey-vaw na, fa da nd̄ovey daa ba s̄olak. Ama, met̄oley-mey nga Gazlavay na, a nd̄ovey la. Ḡedaŋ ngaa guzley mey hay mekele mekele masa nd̄ohay ma c̄ondamara ba na, a nd̄ovey la. Yaw, mes̄orey-cek may, a nd̄ovey la. ⁹ Fara fara, cek hay a, a nd̄ovam la, maja mes̄orey-cek al̄ekwa ta met̄oley-mey nga Gazlavay na, a wuzdat̄erwa cek hay c̄opa ba, si nek̄oḏey gway. ¹⁰ Ama ta pas masa Gazlavay ma da wuzdandakwara cek masa maaya tabiya na, cek masa al̄ekwa ma s̄erkwa nek̄oḏey heyey na, a nd̄ovey la.

¹¹ Daa masa yah daa b̄ezey na, ya faa guzley anda b̄eza hay, ya fa wulkey anda b̄eza hay, asaya, ya fa c̄odata cek hay anda b̄eza hay. Ama wure keḏe na, ya ta t̄orey ndaw mahura sem, ya ta mb̄ekda mekey cek hay anda b̄eza hay sem.

¹² Wure keḏe, al̄ekwa fa h̄etmatakwa cek hay maaya maaya daa ba, ya n̄ektakwa cek hay anda ndaw ma n̄ekey cek daa baŋḡera man̄eskaya. Ama pas pal na, ya da h̄etmatakwa cek hay tabiya fa dey al̄ekwa maaya maaya. Wure keḏe na, mes̄orey-cek adaw, an̄ga nek̄oḏey gway. Pas a, a wuswa la masa yah ma da s̄erta cek hay tabiya maaya maaya anda Gazlavay ma s̄erya maaya maaya keḏe may.

¹³ Yaw, cek hay maakar daha fa da nd̄ovam daa ba. Cek hay a na, ara met̄obey-mey nga Gazlavay, mes̄ekwey cek fa Gazlavay, len

13:8 13.8 12.10; 14.1-5 **13:12** 13.12 Rm 8.24; 2Kwr 5.7; Gazlavay ma s̄erya: 8.3; Gal 4.9

mewufey-vaw. Cek hay maakar ata kefe na, fa da ndavam daa ba, ama cek mahura da wuzlah ata na, ara mewufey-vaw.

14

Mey mekele saya da ray gədan masa Mesəfney nga Gazlavay ma vəldatara a ndəhay

¹ Teesed na, səpam nga wufey vaw da wuzlah akwar. Asaya, vəldamara ray akwar may nga hətey gədan masa *Mesəfney nga Gazlavay ma vəldatara ngada ndəhay nga key sləra anga. Vəldamara ray akwar kalah na, nga hətey gədan nga təley mey masa Gazlavay ma wuzdara ngada ndəhay. ² Ndaw maa guzley mey hay masa ma cəney ba na, a key ngene, aa guzlar a Gazlavay, ba na, aa guzley ngada ndəhay ba, maja ndəhay a cəndamara mey masa anga maa guzlda ha ba. Aa guzley ngene na, ta gədan nga Mesəfney nga Gazlavay, aa guzley da ray cek hay mabadatakaya. ³ Ama *ndaw ma təla mey masa Gazlavay ma wuzdara na, a key ngene, aa guzlar a ndəhay. Mey anga a vəltar gədan a ndəhay, a jənta amba a təbmara mey nga Gazlavay maaya maaya, asaya, a dəktar mevel. ⁴ Ndaw maa guzley mey masa ndəhay ma cəndamara ba na, ngene, mey a, a jəney anga ray anga gway. Ndaw ma təla mey masa Gazlavay ma wuzdara na, a key ngene, a jənta ndəhay daa *mecəmey-ray nga ndəhay nga Yesu tabiya.

⁵ Ya wufey na, akwar tabiya, kaa guzlam ta mey masa ndəhay ma cəndamara ba, ama ya wufey ma fəna saya na, ka təlām mey masa Gazlavay ma wuzdakwara may. Da ndaw aa guzley ta mey masa ndəhay ma cəndamara ba, maaya na, ndaw ŋga mbəfda mey a daha amba mey a, a jənta ndəhay tabiya daa mecəmey-ray ŋga ndəhay ŋga Yesu. Da ndaw ŋga mbəfda mey a daa ba na, ŋgene, ndaw ma təla mey masa Gazlavay ma wuzdara na, a jənta ndəhay a fəna ndaw maa guzley ta mey masa ndəhay ma cəndamara ba.

⁶ Məlma adaw hay, da ya daw fa akwar, yaa guzlkwar ta mey mekele mekele masa akwar ma cəndamara ba, ŋgene, mey a, a da jənkwar na, kwara? Da ya kadakwara mey mabadakaya ŋga Gazlavay ba, da ya wuzdakwara cek hay mekele ba, da ya təley mey masa Gazlavay ma wuzdiwa ba, asaya, da yaa sərkadakwar ba na, ŋgene, a key ya jənkwar daw?

⁷ Anḡa letek ta cek hay ma ka walay anda sləlam ta ganjaval. Da ka fa sləlam saw na, ndaw a da cənda dʻay ŋga walay masa kah ma fa ha na, kwara? Da ka kəda ganjaval saw na, ndaw a da cənda dʻay ŋga walay masa kah ma kəda ha na, kwara? ⁸ Mefey taalam ŋga zəley ndəhay ŋgadaa vərəm na, kəne may. Da ndaw ma fa taalam a maaya maaya daa ba na, ndaw fa da səra ara madaw ŋgadaa vərəm na, daa ba. ⁹ Ŋgada akwar may kəne. Da kaa guzlam mey masa ndəhay ma cəndamara ba, ndəhay a da cəndamara mey masa akwar maa guzldamara

ha na, kwara? Anda keɗe, mey akwar a, a da tɔrey nga cek nga tede.

¹⁰ Mey hay mekele mekele ga daha da bɛla. Kwa sɛkway wura wura faa guzley ta mey anɗa na, a cɛnda. ¹¹ Anda keɗe, da ndaw aa guzlya ta mey anɗa, ama ya cɛnda mey a ba na, ndaw a ngene anɗa ndaw-mɛlak fa mey aɗaw. Yah may, yah mɛlak fa mey anɗa. ¹² Yaw, maja akwar fa wuɗam nga hɛtey gɛɗanɗa nga key slɛra hay masa Mesɛfney nga Gazlavay ma vɛɗatara ngada ndɛhay anɗa hay na, maaya na, ka sɛpam nga hɛtey teesɛɗ na, gɛɗanɗa nga key slɛra hay ma gwa nga jɛnmata ndɛhay daa mecɛmey-ray nga ndɛhay nga Yesu.

¹³ Maja ngene, ndaw masa ta gɛɗanɗa ngaa guzley ta mey masa ndɛhay ma cɛndamara ba na, nga dɛrey danɗay a Gazlavay amba Mesɛfney nga Gazlavay a vɛlar gɛɗanɗa nga mbɛɗɗa mey a ta mey masa ndɛhay ma cɛndamara. ¹⁴ Da ya dɛrar danɗay a Gazlavay ta mey masa yah ma cɛnda ba na, fara fara mevel aɗaw fa dɛrey danɗay, ama yah na, kwa ya cɛnda ba sɛlak.

¹⁵ Anda keɗe, ya da key na, kwara? Ya da dɛrey danɗay ta mey masa yah ma cɛnda ba ta gɛɗanɗa nga Mesɛfney nga Gazlavay, asaya, ya da dɛrey danɗay ta mey aɗaw ta lenɗesl aɗaw may. Ya da zley walay ta mey masa yah ma cɛnda ba ta gɛɗanɗa nga Mesɛfney nga Gazlavay, asaya, ya da zley walay ta mey aɗaw ta lenɗesl aɗaw may. ¹⁶ Da kah, ka fa kar suse a Gazlavay ta mey masa ndɛhay ma cɛndamara ba na, ndaw ma sɛra mey nga Gazlavay ba da wuzlah akwar na, a gwa

nga tɔba, a lɔvey: «*Amen» na, kwara? A gwa ba, maja a cɔnda mey masa kah maa guzlda ha ba. ¹⁷ Kwa ka fa kar suse a Gazlavay maaya maaya daa medɔrey-dangay a na, ama medɔrey-dangay a, a gwa nga jɔna ndaw aha ba.

¹⁸ Ya fa kar suse a Gazlavay maja ya faa guzley mey hay ga masa ndɔhay ma cɔndamara ba a fɛnkwar. ¹⁹ Ama, da masa yah da wuzlah ndɔhay nga Yesu makustakaya na, ngama yah maa guzley mey pal ta mey masa ndɔhay ma cɔndamara amba yaa sɛrkadata, da ray yah ma daa guzley ga ta mey masa ndɔhay ma cɔndamara ba.

²⁰ Mɛlma adaw hay, daa menjey akwar na, ka da wulkam anda bɔza hay ba, ama wulkam anda ndɔhay ma sɛrmara mey nga Gazlavay maaya maaya. Ka da kam cek malamba daa slɛra akwar ba. Tɛram anda bɔza hay da mey dɔwa masa ma sɛrmara nga key cek malamba ba.

²¹ Mawuzlalakaya daa derewel nga Gazlavay, a lɔvey:

«Bay Gazlavay a lɔvey:

“Ya daa guzltar a ndɔhay adaw hay ta mey masa ata ma cɔndamara ba.

Ahaw, ya daa guzltar ta mey nga ndɔhay daa hwayak mekele.

Ama ta ngene he cɔpa na, ndɔhay adaw hay fa da jɔkfamaya slɛmay daa ba cɔnga.”»

²² Anda kedɛ, ngada ndɔhay ma tɔba mey nga Yesu ba, meeguzley ta mey masa ndɔhay ma cɔndamara ba na, ara cek ma wuzwa ngada

ata, Gazlavay a katar sariya la. Ngada ndəhay ma təba mey nga Yesu na, kəne ba. Ngada ata, metəley-mey nga Gazlavay na, ara cek ma wuzwa Gazlavay aa da wuzlah ata. Ngada ndəhay ma təba mey nga Yesu ba na, kəne ba.

²³ Wulkam cey: da masa akwar ndəhay nga Gazlavay makustakaya tabiya, ndəhay ma təba mey nga Yesu ba, da daa ba, ndəhay ma samawa nga jəkam sləmay saw a samawa a wuzlah akwar, a hətfamakwar akwar faa guzlam ta mey hay masa ndəhay ma cəndamara ba na, a padamakwar nga ndəhay ta malula da ray, daa ba daw? ²⁴ Ama da akwar tabiya fa təlām mey masa Gazlavay ma wuzdakwara, ndəhay ma təba mey nga Yesu ba ta ndəhay ma samawa nga jəkam sləmay saw a samawa, a hətfamakwar na, mey a, a da wuzdatara mebərey ata. Asaya, mey akwar a, a da vəltar mewulkey da ray menjey ata maaya ba, ²⁵ cek hay maɓadatakaya daa mevel ata, a da wuzwa a palah. Maja ŋgene, a da ragadamar a Gazlavay, a da həlmamara, asaya, a da ləvam: «Fara fara, Gazlavay aa da wuzlah akwar.»

Mekey cek ta cəved e daa mecəmey-ray nga ndəhay nga Yesu

²⁶ Maja ŋgene, məlma adaw hay daa *mecəmey-ray nga ndəhay nga Yesu, ka da kam na, kwara? Da masa akwar makustakaya daa slam a na, ndaw pal da wuzlah akwar nga zley walay, ndaw mekele ŋgaa sərkadata ndəhay ta mey nga Gazlavay, ndaw mekele nga wuzda

cek masa Gazlavay ma wuzdara a ndəhay, ndaw mekele ηгаа guzley ta mey masa ndəhay ma cəndamara ba, ndaw mekele saya ηгаа mbədda mey a, a ndəhay. Ka kamata cek hay tabiya ηgene na, ηгаа jəney ndəhay daa mecəmey-ray ηгаа ndəhay ηгаа Yesu amba a diyam fa mey fa mey. ²⁷ Da ndaw aa guzley ta mey masa ndəhay ma cəndamara ba na, ndəhay cew, da daa ba, maakar gway ηгаа guzlam pal pal, ndaw pal ηгаа mbədda mey masa ata maa guzldamara ha a ndəhay. ²⁸ Da ndaw ηгаа mbədda mey a daa ba na, ηgene, ndaw maa guzley ta mey masa ndəhay ma cəndamara ba ha na, a daa guzley ta gədan fa mey ηгаа ndəhay ba, ama ηгаа guzley da hwaɗ da hwaɗ ηgada ray anɗa ta ηgada Gazlavay gway.

²⁹ Nɗada ndəhay ma təla mey ηгаа Gazlavay na, ndəhay cew, da daa ba, maakar ηгаа guzlam gway, ndəhay siya na, ηгаа jəkam sləmay da mey a ara mey ηгаа Gazlavay fara fara kwa. ³⁰ Daa masa ndaw masa faa guzley na, da Gazlavay a wuzar mey a ndaw mekele daa mekusey akwar na, maaya na, ndaw masa ηgeeme a njeɗ teete ɗagay. ³¹ Akwar tabiya akwar, akwar ta cəved ηгаа təley mey ηгаа Gazlavay, ama gwaguzlam pal pal amba ndəhay tabiya aa sərkam maaya maaya, asaya, amba a hətam gədan. ³² Ndaw masa aa ta gədan ηгаа təley mey ηгаа Gazlavay na, ara anɗa ma weɗ da ray gədan aha, ³³ maja mekey cek ta cəved e ba na, a mbafar a Gazlavay ba. Gazlavay a wuɗey na, ya njakwa ta zazay.

14:26 14.26 8.1; 12.7-10; 14.4; Ef 4.11-13 **14:29** 14.29 SNM
17.11; 1Tes 5.21

Njam anda ndəhay daa mecəmey-ray nga ndəhay nga Yesu siya. ³⁴ Masa akwar makus-takaya daa slam a na, ngusay nga njam teete. Ata ta cəved ngaa guzley daa ba, nga namatar ray a zel hay anda mawuzlalakaya daa *mewey nga Gazlavay. ³⁵ Da mey daha masa ata ma cəndamara ba na, a daa cəfdamara daa mekusey a ba, ama ngaa cəfdamata fa zel ata hay da way. Ngwas aa guzley daa mekusey nga ndəhay nga Yesu na, maaya ba.

³⁶ Ka wulkam mey nga Gazlavay a zlaw a na, fa akwar gway daw? Ka wulkam mey nga Gazlavay a wusey na, fa akwar daada daw? ³⁷ Da ndaw a wulkey aa ta gədan nga *Mesəfney nga Gazlavay, da daa ba, aa ta gədan nga wuzey mey nga Gazlavay na, nga səra, mey masa yah ma wuzlalakwara kefe na, ara mey masa Bay Mahura ma wuzdiwa. ³⁸ Da ndaw aha a jəkey sləmay fa mey masa yah ma wuzlalakwara kefe ba na, ngene, Gazlavay fa da səra ndaw aha daa ba.

³⁹ Da ray ngene, məlma adaw hay, səpam teesed na, gədan nga təley mey nga Gazlavay. Asaya, da ndəhay faa guzlam ta mey hay masa ndəhay ma cəndamara ba na, ka da təkмата ba.

⁴⁰ Cek masa mahura na, si ka kamata cek hay tabiya daa mekusey akwar maaya maaya, asaya, ka kamata ta cəved e.

15

14:33 14.33 7.15 **14:34** 14.34-35 11.3; Ef 5.22; 1Tm 2.12

14:37 14.37 1Jn 4.6 **14:39** 14.39 14.1, 5 **14:40** 14.40 14.33

Mey da ray maslækdawa nga Yesu Kæriste daa memæcey

¹ Mølma adaw hay, ya wudfey ngaa guzlkwar saya da ray *Mey-maaya-mawiya masa yah ma wuzdakwara zleezle masa akwar ma tæbmara. Ahaw, akwar ta tæbmara mey a la fara fara aa mevel akwar. ² Ta fa metæbey Mey-maaya-mawiya ha na, Gazlavay a læhdakwar la, ama si akwar fa tæbmara anda yah ma wuzdakwara, ka mbækdamara ba. Da daa ba na, metæbey mey a ngada akwar na, ara cek nga tede.

³ Ya taa særkadakwa mey masa Yesu maa særkadiwa la. Mey masa mahura da hwad a na, ara *Kæriste ma mæcey maja mebærey alækwa anda mawuzlalakaya daa dærewel nga Gazlavay.

⁴ Ta jøhmara la, nga dæf maakar a ta slækdawa sem daa memæcey anda mawuzlalakaya daa dærewel nga Gazlavay. ⁵ Masa anga ma slækdawa cay daa memæcey a na, ta wuzar vaw la a *Piyer, asaya, ta wuztar vaw la a ndøhay anga hay meslærey siya. ⁶ Fa dæba ha, ndøhay anga hay a fæna temere zlam ta hætmar la ata cæpa daa slam a may. Ndøhay ma hætmar na, har-gødan da wuzlah ata, ata daha ta dey dægay, ama siya hay ta mæcam sem. ⁷ Ta wuzar vaw la a *Jak. Fa dæba ha, ta wuztar vaw la a ndøhay anga hay meslærey tabiya saya.

⁸ Fa dæba ata tabiya, kwa yah anda bæzey masa ma yawa rav-ban na, ta wuzya vaw la may.

15:1 15.1 Gal 1.11 **15:2** 15.2 Gal 2.1-2 **15:3** 15.3 11.23; Iz 53.5-12 **15:4** 15.4 Jaw 1.17; Mt 12.40; Jan 20.9; SNM 2.24-31
15:5 15.5 Mt 28.16-17; Lk 24.34, 36; Jan 20.19 **15:7** 15.7 Lk 24.50 **15:8** 15.8 9.1; Gal 1.15-16; SNM 9.3-6

⁹ Dasi ndəhay meslərey ɲga Yesu Kəriste tabiya na, yah mecəhe da wuzlah ata. Yah na, ya wusa amba a zəlmaya *ndaw-meslərey ba, maja ya ta sərdata banay la ta ndəhay daa *mecəmey-ray ɲga ndəhay ɲga Yesu Kəriste. ¹⁰ Ama maja mepəsey-mey ɲga Gazlavay da ray adaw na, ya ta tərey ndaw masa akwar ma hətmar wure kede la. Mepəsey-mey aɲga ha na, ara cek ɲga tede ɲgada yah ba, sasəkar jak, ya ta key sləra la ga, ma fəna ndəhay meslərey mekele. Ma ka sləra ha na, ara yah ta gədaɲ adaw ba, ama fara fara ara maja mepəsey-mey ɲga Gazlavay aa da ray adaw. ¹¹ Anda kede, kwa da ara yah ma wuzda Mey-maaya-mawiya, kwa da ara ndəhay meslərey mekele na, ara cek letek. Ala tabiya ala, ya wuzam mey letek masa akwar ma təbmara aa mevel akwar.

Mey da ray ndəhay ma da sləkdamawa daa meməcey

¹² Ala fa wuzdamara ya ləvam *Kəriste ta sləkdamawa sem daa meməcey. Kaa, ndəhay siya da wuzlah akwar a ləvam ndəhay fa da sləkdamawa daa meməcey daa ba na, kwara? ¹³ Da fara fara ndəhay fa da sləkdamawa daa meməcey daa ba na, ɲgene, Kəriste ta sləkdamawa daa meməcey daa ba may. ¹⁴ Da fara fara Kəriste ta sləkdamawa daa meməcey daa ba na, ɲgene, mey ɲga Gazlavay masa ala ma wuzdamara na, ara mey ɲga tede, ka təbmara mey a ɲga tede may.

¹⁵ Da kōne na, ala ta mbørzlam sem a ray Gazlavay maja ala ta lõvmatar la a ndøhay, Gazlavay ta sløkdadørwa Køriste sem daa memøcey. Ama da ndøhay fa da sløkdamawa daa memøcey daa ba na, ηgene, Gazlavay ta sløkdadørwa Køriste daa memøcey daa ba may.

¹⁶ Da Gazlavay fa da sløkdadatørwa ndøhay daa memøcey daa ba na, ηgene, Køriste may, Gazlavay ta sløkdadørwa daa memøcey daa ba. ¹⁷ Da Gazlavay ta sløkdadørwa Køriste daa memøcey daa ba na, ηgene, ka tømbara mey anga ηga tede, asaya, akwar ta mebørey cønga.

¹⁸ Anda meløvey saya, ndøhay ma tømbara mey ηga Køriste masa ma møcam sem na, taa zødam sem. ¹⁹ Da aløkwa fa pakwa Køriste ηga ndaw ma da jønndakwar fara fara, ama da a jønndakwar daa masa aløkwa da bøla daada na, ηgene, anja matøway daa dey aløkwa a føna ηga ndøhay mekele la.

²⁰ Ama fara fara na, Køriste ta sløkdawa sem daa memøcey. Anga na, ara ndaw masa ma sløkdawa teesed daa memøcey. Anda kedø, a wuzwa fara fara ndøhay mekele a sløkdamawa la daa memøcey may.

²¹ Memøcey a sawa a bøla na, ta fa ndaw pal, mezøley *Adam. Yaw, ma wura cøved amba ndøhay a sløkdamawa daa memøcey na, ara ndaw pal may, mezøley Yesu Køriste. ²² Ndøhay tabiya a møcam maja ata macømkaya ta Adam

15:15 15.15 SNM 1.22; 4.33; 5.30-32 **15:17** 15.17 15.3; Rm 4.25

15:18 15.18 1Tes 4.13 **15:20** 15.20 6.14; Kwa 1.18 **15:21** 15.21-22 15.45-49; MC 3.17-19; Rm 5.12, 14, 18

aha. Ama ndəhay tabiya masa macəmkaya ta Kəriste na, a sləkdamawa la daa meməcey anda anğa may.

²³ Ama kwa waawa a da sləkdamawa daa meməcey na, fa dəle fa dəle. Kəriste ta sləkdamawa sem teesef daa meməcey. Ta pas masa aa ma da vəhwa na, ndəhay anğa hay a sləkdamawa la daa meməcey may. ²⁴ Fa dəba ha, bəla a ndəvey la. Kəriste a daa zədfdata mesəfney hay maaya ba hay ta gədanŋ nga bay ata hay tabiya. A da key bay-gula da ray bay hay ma wam da bəla. Fa dəba ha, a da vəldara bay anğa a Gazlavay Papanŋ aa slam a.

²⁵ Ama si Kəriste a wey da ray cek hay tabiya haa kasl Gazlavay Papanŋ ma pata masa-gəra anğa hay tabiya asi salay anğa dʒagay. ²⁶ Masa-gəra nga madagway-dakw masa Gazlavay ma daa zəfda na, ara meməcey. ²⁷ Yaw, mawuzlalakaya daa dferewel nga Gazlavay, a ləvey: «Gazlavay ta pata cek hay tabiya la asi har nga Bəzey anğa.» Ahaw, mawuzlalakaya anda ngene, ama fara fara, Gazlavay na, fa da njeɣ asi har nga Bəzey anğa daa ba, maja ara anğa ma pata cek hay tabiya asi har nga Bəzey anğa ha.

²⁸ Masa Gazlavay Papanŋ ta pata cek hay tabiya cay asi har nga Bəzey anğa na, Bəzey anğa ha may, a da vəlda ray anğa asi har nga Papaha masa ma vəldara cek hay tabiya. Anda kedə, Gazlavay Papanŋ a da wey maaya maaya da ray

15:22 15.22 2Kwr 5.17 **15:23** 15.23 15.51-52; 1Tes 4.16 **15:24** 15.24 Dan 2.44 **15:25** 15.25 Ps 110.1; Mt 22.44 **15:26** 15.26 CWJ 1.18; 20.14; 21.4 **15:27** 15.27 Ps 8.6

cek hay tabiya.

²⁹ Wulkam da ray ndəhay siya da wuzlah akwar ma hətam *baptem maja ndəhay maməctakaya cey. Da fara fara ndəhay maməctakaya a sləkdamawa daa meməcey daa ba na, a hətam baptem maja ndəhay maməctakaya na, maja me?

³⁰ Asaya, da ndəhay maməctakaya fa sləkdamawa daa ba na, ala ta ray ala, ya fa vəldamara ray ala ŋga sərey banay mandaw mandaw na, maja me? ³¹ Ahaw, mandaw mandaw ya fa hətar meməcey ta dey adaw. Məlma adaw hay, ya kadakwara cek hay tabiya kede na, maja fara fara ya faa səmey da ray akwar, akwar masa macəmkaya ta Yesu Kəriste Bay aləkwa Mahura. ³² Fedə da Efez, masa-gəra hay ga daha, ya ta kədəy vaw la ta ata anda ta cek hay ŋga ley masa-həma. Da ya kədəy vaw anda ŋgene maja mewulkey ŋga ndaw-magədaŋ daada na, mekədəy-vaw a, a da jənya na, kwara? Da ndəhay maməctakaya a sləkdamawa daa ba na, ŋgene, a key anda mey daha ma ləvey: «Zəmkwa cek, sakwa cek, mandaw na, aləkwa daa saba.» ³³ Pam lenjesl, maja da akwar fa pəkam ta ndəhay ma kam cek malamba na, akwar may ka kam cek malamba la anda ata. ³⁴ Kam cek ta cəved e, ka da kam cek malamba saba. Ndəhay siya da wuzlah akwar daha masa ma sərmara Gazlavay ba. Yaa

guzlkwar anda kede na, nga pakwar hwaray.

Mey da ray vaw nga ndaw ma sləkɗawa daa meməcey

³⁵ Da kwa ndaw a gwa a wulkey daa ray anɗa, a ləvey: «Gazlavay a da sləkɗadərwa ndaw daa meməcey na, kwara? Vaw nga ndaw ma sləkɗawa daa meməcey, a da nəkey na, kwara?»

³⁶ Ndaw ma wulkey anda nɗene na, ara ndaw manjar lenɗesl. Hulfaɗ masa kah ma sləka a ley na, a pəcwa ama masa masləkakaya cəma na, a zey. ³⁷ Hulfaɗ masa kah ma sləka, kwa ara daw, kwa ara meeme na, ka sləkey na, babəza daada gway, ka sləka ta panay a tabiya ba. ³⁸ Hulfaɗ hay na, ata wal wal, gwaslaf hay a may, ata wal wal. Masa kah ma sləka la na, Gazlavay a pəcrawa, a key gwaslaf anda Gazlavay ma wudey.

³⁹ Cek hay tabiya masa ta mesəfney na, ata ta vaw wal wal may. Anda meləvey, vaw nga ndaw-magədaɗ na, anɗa wal ta nɗa gənaw hay, wal ta nɗa dīyaɗ hay, asaya, wal ta nɗa ewet hay.

⁴⁰ Cek hay da gazlavay da vadɗ daha, cek hay da bəla daha may. Membey nɗa cek hay da gazlavay da vadɗ anɗa wal ta membey nɗa cek hay da bəla. ⁴¹ Mewedeɗey nɗa pas na, anɗa wal, mewedeɗey nɗa kiya na, anɗa wal may. Mewedeɗey nɗa wurzla hay anɗa wal saya, kwa da wuzlah wurzla hay na, mewedeɗey ata wal wal.

⁴² Masləkɗawa daa meməcey na, kəne may. Vagay masa ta pəshamara cay na, anɗa anda

hulfad, a da zey. Vaw masa ma sləkɗawa daa meməcey na, fa da zey daa ba səlak. ⁴³ Masa ta pəshamara vagay cay aa cəvay na, vagay a, a da zey, ara cek ŋga tede, asaya, a mbey fa dey ba. Ama masa ta sləkɗawa cay daa meməcey na, a zey ba, a njeɣ ŋga ta gəɗaŋ, asaya, a mbey fa dey kalah. ⁴⁴ Da a pəsham vagay na, a pəsham ŋgene, aslaw ŋga vaw gway. Masa ta sləkɗawa cay na, a terey vaw masa *Mesəfney ŋga Gazlavay ma ləma mawiya. Aləkwa ta vaw da bəla keɗe, ba diya? Sərmara, ya hətkwa vaw mekele la masa Mesəfney ŋga Gazlavay ma ləma. ⁴⁵ Ara anda mawuzlalakaya daa ɗerewel ŋga Gazlavay, ma ləvey: «*Adam masa ŋgeeme na, ara ndaw-magəɗaŋ masa Gazlavay ma vələr heter.» Adam masa ŋga madagway-dakw na, ara *Kəriste ma terey ŋga Mesəfney ma vəltar heter mawiya a ndəhay.

⁴⁶ Vaw masa Mesəfney ŋga Gazlavay ma ləma na, ara vaw ŋgeeme ba. Anda keɗe, masa ŋgeeme na, ara vaw ŋga ndaw-magəɗaŋ da bəla keɗe ɗagay, fa dəba ha, vaw masa Mesəfney ŋga Gazlavay ma ləma. ⁴⁷ Adam, ndaw ŋgeeme na, ara ndaw-magəɗaŋ masa Gazlavay ma ləma ta hwiyak. Ama Adam ŋga dey cew e na, a pawa salay da gazlavay da vadɗ. ⁴⁸ Ndəhay magəɗaŋ na, vaw ata anda vaw ŋga ndaw masa Gazlavay ma ləma ta hwiyak. Ndəhay da gazlavay da vadɗ na, vaw ata anda vaw ŋga ndaw ma pawa salay da gazlavay da vadɗ may. ⁴⁹ Wure keɗe na, vaw

15:43 15.43 Fəɓ 3.20-21 **15:45** 15.45 MC 2.7; Jan 6.63; 2Kwr 3.6, 17 **15:45** 15.45-49 15.21-22

aləkwa anda vaw nga ndaw masa Gazlavay ma ləma ta hwiyak. Pas pal na, vaw aləkwa a da tərey anda vaw nga ndaw ma pawa salay da gazlavay da vad.

⁵⁰ Məlma adaw hay, ya fa ləvkwar, aa slam masa Gazlavay fa wey da vad na, ndaw fa da mbəzey a hwaɗ a ta vaw masa da bəla keɗe daa ba. Cek hay ma da zam na, a gwa nga cəmam ta cek hay ma da njam nga sərmataw ba.

⁵¹ Jəkam sləmay, ya daa guzlkwar da ray cek maɓadakaya *: ndəhay siya da wuzlah aləkwa tabiya fa da məcəm daa ba, ama aləkwa tabiya, vaw aləkwa a da mbəɗey. ⁵² A da key na, daa masa fa famara taalam nga madagway-dakw. Vaw aləkwa a da mbəɗey fiyaw fiyaw anda ndaw ma kəɓcey dey. Masa ta famara taalam cay na, ndəhay maməctakaya a sləkɗamawa la daa meməcey ta vaw masa ma da məcəy saba. Aləkwa siya masa ta dey, aləkwa tabiya vaw aləkwa a da mbəɗey. ⁵³ Anda meləvey, vaw aləkwa ma da zey na, a da tərey nga vaw ma da zey saba. Ahaw, vaw aləkwa ma da məcəy na, a da tərey nga vaw ma da məcəy saba. ⁵⁴ Masa vaw aləkwa ta mbəɗey cay kəne na, ηgene, mey mawuzlalakaya daa ɗerewel nga Gazlavay a da key fara fara anda mawuzlalakaya ha. Mey a, a ləvey: «Meməcey daa saba, Gazlavay ta fəna meməcey sem ta gədaŋ.»

15:49 15.49 MC 5.3 * **15:51** 15.51 cek maɓadakaya: Pawl aa guzley da ray pas masa Kəriste ma da vəhwa. **15:51** 15.51 1Tes 4.15 **15:52** 15.52 taalam: Mt 24.31; 1Tes 4.16 **15:53** 15.53 2Kwr 5.4 **15:54** 15.54 Iz 25.8

⁵⁵ «Haya, bay-meməcey, gədanj akah na,
anğa ama dəba ama?»

Haya, bay-meməcey, ləvat akah
masa kah ma melta ndəhay ta anğa na,
anğa ama dəba ama?»

⁵⁶ Ləvat ma melta ndəhay nğa məcam na,
ara mebərey. Kwakwas nğa *Mawiz na, fa
vəlar gədanj a mebərey nğaa zəfdata ndəhay.

⁵⁷ Ama həlmakwa Gazlavay, maja ara anğa ma
vəldakwar gədanj nğa fəna meməcey ta fa Bay
aləkwa Mahura Yesu Kəriste.

⁵⁸ Maja ngene, məlma adaw hay
mawudtakaya, kam gədanj, kwa cek a da
vəhdakwar nğada fa dəba ba. Kamara sləra
nğa Bay Mahura Yesu mandaw mandaw ta
mevel pal. Ka səmara sləra masa akwar ma
kamara ta gədanj anğa na, ara cek masa nğa
tede ba.

16

Mey da ray mecekeley dala nğada ndəhay da Jeruzelem

¹ Ya daa guzlkwar wure keɗe na, da ray
mey nğa dala masa akwar ma da cakalamara
nğada ndəhay nğa Yesu da *Jeruzelem. Ka da
kamara anda yah ma ləvtar nğada ndəhay daa
*mecəmey-ray nğa ndəhay nğa Yesu da Galati
may. ² Fa luma ha, fa luma ha na, kwa waawa
da wuzlah akwar nğa ley dala daa dey masa
anğa ma hətar təɗe ta gədanj anğa, nğa cakala,

15:55 15.55 Aw 13.14 **15:56** 15.56 Rm 4.15; 6.14 **15:57** 15.57
Rm 7.24-25 **15:58** 15.58 16.13 **16:1** 16.1 SNM 11.29-30; 2Kwr
8.1-9

amba da masa yah ma wusey la fa akwar na, ka cakalam dala mekele saba. ³ Yah ma wusey la fa akwar na, ya slərdata ndəhay masa akwar ma walamata nga handamara dala akwar a, a Jeruzelem la. Ya slərdata la ta leeter da har masa yah ma da wuzlalatara da ray dala ha. ⁴ Da maaya ya daw may na, nge, ya diyam la bama daa slam a.

Mey da ray cek masa Pawl ma da ka

⁵ Ya fa da daw aa hwayak nga Masadəwan amba ya cam ray ta ndəhay daa mecəmey-ray hay nga Yesu fetede. Fa dəba ha, ya wusey la fa akwar. ⁶ Ayəwa, da ya nje, la fa akwar nekədey kwa, da ya ndəvda kiya nga memed la fa akwar kwa. Anda kede, masa ya fa da mbəkdakwar cay na, ka jənmaya la kwa nga daw aa slam wura wura mekele. ⁷ Da ya wusey fa akwar amba ya nje nekədey gway na, ya wudey ba. Ama da Bay Mahura ta təba la na, ya wudey nga nje fa akwar ga.

⁸ Ya nje la da Efez haa kasl gwagway nga *Pantekwat ma wuswa, ⁹ maja ya ta hətəy har la ga nga key sləra maaya nga Gazlavay, asaya, masa-gəra hay ga fede daha.

¹⁰ Da Timawte ta wusey la fa akwar na, təbmara maaya maaya, amba a nje ta mandərzay daa dey ba, maja anga fa key sləra nga Bay Mahura anda yah may. ¹¹ Kwa ndaw a da rəsa ba səlak. Jənmara amba a vəhwa fa

16:5 16.5 SNM 15.21; 2Kwr 1.15-16 **16:6** 16.6 Rm 15.24 **16:7** 16.7 4.19 **16:8** 16.8-9 SNM 19.8-10 **16:10** 16.10 Timawte: 4.17

yah ta zazay, maja ya fa səkwtā fedē, anḡa ta məlmanḡ hay mekele *.

¹² Da ray məlma aləkwa Apalaws na, ya ta kar ambahw la dey weewe, ya ləvar, maaya na, a daw ta məlmanḡ hay mekele ma da diyam fa akwar, ama a wudēy nḡa daw wure kedē ba səlak. Ama, da masa ta hətēy har la na, a daw la.

Mey nḡa madagway-dakw

¹³ Ka da nam dār ba, njam maaya maaya daa cəved nḡa Gazlavay, ka da zluram ba, kam ḡədanḡ. ¹⁴ Cek hay tabiya masa akwar ma kamata na, kamara ta mewudēy-vaw.

¹⁵ Məlma adaw hay, ka sərmara Estefanas ta ndəhay da way anḡa, ba diya? Ata na, ndəhay masa nḡeeme ma təbmara mey nḡa Yesu *Kərīste daa hwayak nḡa Akay. Ta vəldamara ray ata la nḡa jəney ndəhay nḡa Yesu. Ya kakwar ambahw, ¹⁶ ndəhay anda nḡene na, namatar ray. Asaya, namatar ray a ndəhay ma kam sləra bama ta ata.

¹⁷ Ya faa səmey da ray ata Estefanas, Fartunatus leḡ Akaykus ma samawa fa yah. Masa yah ma hətatar na, anda ya hətēy nḡene na, akwar tabiya akwar. ¹⁸ Ta dəkmaḡa mevel la anda ata ma dəkmaḡwar mevel maḡ. Səkway nḡa ndəhay anda nḡene na, həslmatar ray.

* **16:11** 16.11 Ndəhay mekele a wulkam na, mey ḡərek a ləvey: «maja ala ta məlmanḡ hay mekele fa səkwmara fedē.» **16:12** 16.12 Apalaws: 1.12 **16:13** 16.13 15.38; Ps 31.25; Ef 6.10 **16:14** 16.14 8.1; Janḡ 13.34; Rm 13.8-10; 2Kwr 6.6; Gal 6.10; Ef 5.2 **16:15** 16.15 Rm 16.5; Estefanas: 1.16 **16:18** 16.18 Fəl 2.29; 1Tes 5.12

¹⁹ Ndəhay nga Yesu daa mecəmey-ray hay daa slam hay mekele mekele daa hwayak nga Azi a camakwar har. Ata Akilas ta ηgwas anga Pəriska †, leη ndəhay nga Yesu masa ma kusam da way ata na, a camakwar har maaya maaya ta mezəley nga Bay Mahura Yesu. ²⁰ Ndəhay nga Yesu tabiya fefe, a camakwar har may. Akwar tabiya, cam har da wuzlah akwar cəpa pal pal, anda akwar məlmaη hay.

²¹ *Yah, Pawl, ya cakwar har.* Ara yah ta har adaw, ma wuzlalakwara mecey-har a kefe.

²² Ndaw ma wuda Bay Mahura ba na, anja Gazlavay nga nəsa. «*Maranata.*» Anja Bay aləkwa Mahura nga sawa.

²³ Anja maaya nga Bay aləkwa Mahura Yesu nga njeη ta akwar.

²⁴ Akwar ndəhay nga Yesu Kəriste, ya fa wudkwar, akwar tabiya akwar.

† **16:19** 16.19 Pəriska: A zəlmara daa slam mekele Pəresil. Nəka SNM 18.2. **16:19** 16.19 Rm 16.5; Azi: CWJ 1.4, 11 **16:20** 16.20 Rm 16.16 **16:21** 16.21 Gal 6.11; Kwa 4.18; 2Tes 3.17; Flm 19 **16:22** 16.22 Gal 1.8-9; CWJ 22.20; Maranata: Jud 14; CWJ 1.7 **16:24** 16.24 4.21; 2Kwr 2.4; 11.11; 12.15; Fəl 1.8; 2.17; 1Tes 2.8; 3.12; 2Tm 3.10; Flm 9

Mejəwey-mey Mawiya
Mofu-Gudur: Mejəwey-mey Mawiya New Testament
Le Nouveau Testament en langue Mofu-Gudur
(Cameroun)

copyright © 2007 Wycliffe Bible Translators, Inc.

Language: (Mofu-Gudur)

Contributor: Aramaic Bible Translation, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source files dated 29 Jan 2022

2b021919-36cf-59da-a35f-10c5e5548811